

ሽርሕ ውዛረት እዕላም

ዲብ ቀበት እሊ ዱዩግ ወትሉሉይ ናይ ኣትባዳይ ፊራሮ ኣክባር ልትነሽር እቲ ለህለ ኣያም፡-

“ዲብ እለን ለሐልፊዩ ክልኤ ሳምን፡ ሐዲስ ርኢስ ውዛረት ፈደራላይት ዲሞክራሲያዊት ጀምሁርያት ኣቶብዩ እት ከርቱም እተ ወደዩ መናሰበት ጀውሉቲ፡ ክልኢተን ሕኩማት ‘እግል መሰልሒን መትቃውመት ኤረትርዮ’ ለልቡሎም፡ እብ ዋጅብ ዶሮም ጀላብ እግል ለኣግዱ፡ ዲብ ሕዱድ ሕዱዶም ሰዳይት ታመት እግል ለሆቦም፡ ዲብ ሕዱዶም ምን ወክሰክ እብ ሕር እግል ልትሐረት ለሰዲ ኣላት እግል ልዳሌ እሎም ትዋፈቀው። ተንሲቅ ናይለ ዐመልያት ለለኣደሚዕም ጀላብ እግል ልግበእ ህዬ፡ እብ ጀህት ኣቶብዩ እት ናይ ከርቱም ሰፋረት ክምሰል ቁንሰል ወመመቅረሓይ ቀጠር ለትመውሎም ናይ ጀሃድ ተናዚም ለሸቄ ብርሃን ለልትበህል፡ እብ ጀህት ሕኩመት ሱዳን ህዬ ልዋእ (ጀነራል) ሐምዲ ኣልሙስጠፊ ክምሰል መመቅረሐት ዐመልያት ትዩመመው” ትበህለ።

ለሰታት ሐዲስ ወለለትዐጀብ ምንመ ኢጉብእ ዐጀብ ለለኣብልቲ።

ውዛረት እዕላም

14 ማዕ 2018

ኣሰመረ

ዒድ ሕርየት፡ እት ካርጅ ለነብሮ ኤረትርዮን

ዲብ ኣድውሐ ቀጠር፡ ርያድ ሰውደዩ፡ ክዌት ወሼነ ኣስትርዮ ለነብሮ ኤረትርዮን 27ይ ዒድ ሕርየት “ሩእየት እብ ካድም” እበ ትብል ሰቅራት እብ ነያረት ዐዩደው።

ጃልየት ኤረትርዮን ሰካን ቀጠር፡ ዲብ ወደው በርናምጅ ጋምል፡ ወዚር ዓዳት፡ ርያደት ወቀድያት እዳረት ወድዋር ቀጠር፡ ዲብ ዐድ ለመርከዞም ዲፕሎማሲዩን፡ ውብዝሓም መዋዋኒን ሻረከው እቲ።

ሰፊር ኤረትርዮ ኣሰይድ ዐሊ እብራሂም ዲብ ኣስምዐዩ ከሊመት፡ ሕርየትን ፍገራት ንዳል ወእስትሸሃድ ሽዑብ ኤረትርዮ ክም ተ እንዲ ሐበረ፡ በራምጅ ወጠን እግል ልትዐወት ዲብ ውሕደት ወውፋቅ ሰበት ልትንኩቡ እበ ተኣደምዕ ገበይ ክም ልትዐወት ሸርሐ።

ሰካይን ርያድ እብ ጀህቶም፡ ብዝሐ ዓዳት ቆምያት ለለኣርኤ በርናምጅ፡ ጅግረ ርያደት፡ ወመትነዝም ጃልየት ለለኣደቅብ ሸሃዳት ሐምዲ እንዲ ተህዩብ እቲ 27ይ ዒድ ሕርየት እብ ነያረት ዐዩደው።

ሰፊር ኤረትርዮ ዲብ ሰውደዩ ኣሰይድ መሐመድ ዑመር መሕሙድ፡ ዒድ ሕርየት ምን

ፈርሐት ወኪን ለትገይስ ተርጀመት ለቡ፡ ውሕደትን ወሰዋልፍን ለነኣርኤ እተ መናሰበት ክምቱ እንዲ ሐበረ፡ እግል ኣግመሎቱ ለከድመው ሐመደ።

ኤረትርዮን ሰካን ክዌት፡ ለኣምዕል እብ ሰዋልፍ ወጠን ዲብ ኣጀኒቶም እበ ለእውርስ ኣግቡይ ወበራምጅ ሰኒ ዐዩደው።

ርኢስ ጃልየት ኤረትርዮን ሰካን ክዌት ኣሰይድ ዑስማን ሳልሕ፡ ዲብ ኣስምዐዩ ከሊመት፡ ለጃልየት ምን መደት ግድለ ዲብ በራምጅ ወጠን ትትዓወን ክም ዐለት እንዲ ሐበረ፡ ኣዜመ ዶረ እግል ተዓቤ ትከድም ክም ህሌት ኣከደ።

እብ ጀህት ብዕደት፡ ኤረትርዮን ሰካም ሼነ - ኣስትርዮ(ኣነምሰ) ዲብ ዮም 12 ማዕ ዒድ ሕርየቶም ክም ዐዩደው ምን ኣካን ለበጽሐተነ ሐብሬ ኣፍሀመት።

ርኢስ ጃልየት ኤረትርዮን ሰካን ኣስትርዮ መሀንድስ ዑመር ጃብር እተ ኣስምዐዩ ከሊመት፡ ፍቲ ወጠን ዲብ ሰዋልፍ ሙጅተመዕነ ኣካን ዐባይ ክም በ እንዲ ሐበረ፡ ኣጅያል እሊ ሰዋልፍ እሊ እግል ልውረስ መሰኡልየት ጃልየት ክም ቱ እንዲ ሐበረ፡ ዲብ ዓያድ ወጠን ለትትርኤ መሻረከት እሊ ለተኣደምን ክምተ ኣፍሀመ።

ሐብሬ እብ ክሱስ ጾም ረመዳን

ህላል ወሬሕ ረመዳን ማሌ ሰበት ኢሰርቀ፡ ዮም ኣርቡዕ ካቲመት ወሬሕ ሸዕባን እንዲ ተሐሰበት፡ ጾም-ረመዳን ፈጅር ከሚስ 17 ማዕ ክም ለኣስተብዬ፡ መክተብ እፍተእ ወሽኡን እሰላምዩ ሕቡር ህለ። ረመዳን ከሪም፡ እግል ኩሎም ሙእምኒን!

ጀውለት ክፈል ዴሽ 52፡ ዲብ ጀብህት ደቀምሐሬ



እብ መናሰበት እሕትፋል 27ይ ዒድ እስትቅላል፡ እብ ኣንፋር መሕበር ሰዳይት ክፈል ጄሽ 52 ለዐለ ዲብላ ናይ ካቲመ ሐርብ ለጉብኣ እተ ጀብህት ደቀምሐሬ ለትሸቀ ትምሳል፡ ዲብ ዮም 12 ማዕ እብ መሰኡል ኣርካን ቅዋት ድፊዕ ኤረትርዮ ጀነራል ፊሊጶስ ወልደዮሃንስ ደሐረ።

ዲብላ እብ ኣሴራር ደረስ ለተሌት ጀውለት፡ ርኢስት መሕበር ሰዳይት ክፈል ጄሽ 52 ምናድለት ትርሓስ ዐንዲማርያም ዲብላ

ቀደመተ ከሊመት፡ ለነዲቅ ትምሳል ወዝያረት መቅበረት ምሕርበት ለሸምል በርናምጅ፡ ግራህ ምን ኣጅል እስትቅላል ወሰያደት ፍዘ ለጉብኣው ሹሀደእ እግል ኣትመሞት፡ ክምሰል ዲመ ዲብ መብደኣም ሕጡጣም ክምሰል ህለው እብ ድግማን እግል ኣከዶት ለትነዝመ ክምቱ ሸርሐት። ምሽተርከት፡ ዲብላ ጀብህት እብ ዓመት ዲብ ድዋራት ድፍዓት ኣፈልበ ወሕረት ህዬ እብ ፍንቱይ ዲብላ በጽሐው እቲ ወክድ፡ ደረስ ካልኣይት ደረጀት መዳርስ

ደቀምሐሬ ወሰካንል ድዋራት እተ ሻረከው እቲ፡ ዲብላ ጀብህት ለጉብኣ ምስተንክር ወፍርሰት እብላ ዲቡ ለወዐለው ምሕርበት ትዳገመ እሎም።

እሊ ክእነ እት እንቲ፡ ኣንፋር መሕበር ሰዳይት ክፈል ጄሽ 52፡ ዲብ ዮም 11 ማዕ ኣስክ ከዛናት ዐዲ ህሎ ወገርገረ በጽሐው።

ዲብላ መናሰበት ህዬ፡ እብ ሰበት ለትሰርገለ ወእብ ኣዜ ልትከደም ለህለ በራምጅ ዐማር ወሀደፋ፡ እበ ከሰሶም ጀሃት ሸፊሕ ተህዩበዮም።

ሳምን ዒድ ሕርየት፡ እት መዳርስ ኣቅሊም ምግብ



“ሩእየት እብ ካድም” እበ ትብል ሰቅራት ዲብ ዮም 14 ማዕ ዲብ መደረሰት ምግባይት ደረጀት ባነ ለኣንበተት ሳምን ሕርየት መዳርስ ኣቅሊም ምግብ፡ እብ ለትፈናተ በራምጅ እብ ነያረት ትሰርገል ህሌት።

እተ ናይ መክሰቲ ዓደት፡ ሓክም ኣቅሊም ምግብ ሚጀር ጀነራል ረመዳን ዑስማን ኣውልያይ ወመሰኡል ጀብህት ሸዑብየት እግል ዲሙቅራዊት ወዐዳለት ኣሰይድ ዩሰፍ ሳይቅ፡ ለትዳለ ዕፌ ሰወር

ከስተው። መሰኡል ፈርዕ ውዛረት ተዐሊም ኣቅሊም ምግብ መምህር በላይ ሀብተጋብር ዲብ ኣስምዐዩ ከሊመት፡ ሳምን ሕርየት መዳርስ ዲብ ዐቦት ተዐሊም እብ ዓመት፡ ዲብ ሕፍዘት ሰዋልፍ ሙጅተማዕ ህዬ እብ ፍንቲት ዶር ክምበ እንዲ ሐበረ፡ ዮም ዓመት ዝያድ 300 መድረሰት ለሻረከዩ እቲ፡ ቀሎት ወተርጀመት ሕርየት ለለኣርኤ ወራታት ልሰርገል ክም ህለ ሸርሐ።

ሙዲረት ምዳርየት ጎዳይፍ ኣሰይድ ትብለጽ ተወልዲ እብ ጀህት፡ ሳምን ሕርየት መዳርስ፡ ክፋል ናይለ እግል መግመሎ ዒድ ሕርየት ለልሰርገል በራምጅ ዲብ ጉብኤ፡ ደረስ ወሸባብ ኣግደ ሙሽተርከት ለትወዲ ሰበት ተ፡ መክሰብ ወኣህምየት ክም በ ኣብረህት።

እትለ ኣስክ ዮም 19 ማዕ ለተኣተላሌ ሳምን ሕርየት መዳርስ፡ ኣቅሊም ምግብ፡ ናይ ዓዳት ወፈን በራምጅ ልትቀደም ህለ።

መቃበለት ፍንቲት (2^ይ ክፋል)

ተርጀመት፡ ሙሰ መንደር

“ተረት መትዝም ወመሻረከት ሽዑብ ዲብ ለትፈናተ ቀድያት ወጠን” እብ ለከሰሱ ምስል መሰኡል ቀድያት ሲያሰት ጅብህት ሽዑብየት እግል ዲሙቅራጥየት ወወዳለት አሰይድ የማኔ ገብረኣብ ለገብአት መቃበለት፡ እግል የም 2ይ ክፋሉ፦

ሰኣል፦ መቅደረትለ ዲብ ካርጅ ለልትረከቦ መዋጥኒን ዲብ መገፈዐት ወጠን እግል ትውዑል ለትሰተተ ሚ ሆለ፤

በሊሰ= ዲብ ኤረትርየ ክልዶል ለህሌት ሩእየት አሳሰየት፡ ለሒለት ሽዑብ አውለውየት እንዴ ተሀየበት፡ ደማነትከ ዲብ መሻረከት ሽዑብ እንዴ ወዴከ፡ ለሽቅል ሽቅል መጅተማዕ ክም ገብእ አሚን ሰበት ገብእ ክል ወክድ፡ ለተፍኪርን ለሽዑብ እተየ ክም ሆለ እምበል ኢከሰሱ፡ እሊ በክት እሊ ክም ልትነፈዕ ምኑ፡ እል መሰኡልየት እል ክም ከድምበ ወሻርክ ዲብ ሰበት እንወዴ፡ ሒለትነ ወደማነትነ ዲብ ቅወት ሽዑብን ሌጣተ። ሰበቡ፡ ለአሳሰ ሀለዮት፡ ለታክያት ሰባተት ወለዴማት ቅጽር ህቱቱ። ለነኣንተብህ እተ አማን ህዬ፡ ለዲብ ካርጅ ለሀለ ሽዑብየት ተአምርታለ ዲብ ቀበት ዐድ ለሀለ ገቢልቱ። ዲብ ቀበት ዐድከ እንዴ ኢትፈድብ ዲብ ካርጅ እግል ትትደቀብ ለልትቀደር ኢኮን። ሰበት እሊ ለሚዘን ናይለ ሽቅል ክልዶል ምነ ዲብ ቀበት ዐድከ ለሀለ ካድም ወመትዝም ልትበገሰ። መዋ-መጥሩ ላኪን፡ ለዲብ ካርጅ ለሀለ ሽዑብን ለህሌት እግሉ ሒለት ቀላል ክም ኢኮን ዲብ ሕሳብ እግል ነኣቱ ብከ። ክምሰለ ትምትም እንዴ አበልኩሁ ለሐለፍኩሁ እተ ለሐልፈት መደት ግድለ ተሕሪር፡ ለዲብ ካርጅ ለዐለ ገቢልነ ዲብ ዐውቱ ግድለ ሕርየት ለዐለት እግሉ መሻረከት ሰኒ ዐባይተ። ለዲብ ካርጅ ለነብር ሽዑብከ፡ ዲብ መደት ወራር ወያኔ ወአሰፊሁመ ድቁባት ድወል ዐለም ለኣትበገሰያሁ ዐዳዋት



ዲብ መዳፈዐት፡ እብ ኤማን ወእብ ሒለት ዳቅበት እግል አፍሽሎቱ፡ ለአርአየ መሻረከት ዛይደት ወለደፍዐዩ ዐውል ቀሊል ኢኮን። አኬ ዲብ ዐማር ወጠን፡ ዐቦት እቅትሳድ፡ አከዶት መሻረከት ክሎም መዋጥኒን እተ እል ህለው ለሀሉ፡ ዲብ አከዶት ዐዳለት እጅትማዕየት፡ ዲብ መትነፈያት ተክኖለጂ፡ ዲብ ዐቦት መቅደረት አዳምነ እብ ተዕሊም ወእብ ምህናትል ወዲብ አደቀቦት መትዝምነ ወፈዓልየት ሽቅልነ ለረከዘት መርሐለት ሐዳሰ ዲብ ነኣቱ ህሌን፡ እንዴ እምቤ እተ ለንትሃጌ ዲብ ወቅት ህዬ፡ ለዲብ ካርጅ ለህሌት እግልነ ቅወት ሽዑብ ቀላል ወሕድት ክም ኢኮን እንፍህም። እትሊ ወቅት እሊ፡ ምስል ዓም ብዝሒ ሽዑብ ኤረትርየ ልትመጣወር እንዴ ሆለ፡ ለዲብ ካርጅ ለነብር ሽዑብን ሐድ ኢኮን። ብዝሒ ዕልቡ ሌጠ እንዴ ኢገብእ ለዲብ ለሀለ አብካት ተዕሊም ውቁል፡ ዲብ ለህሌት እግልነ ሒለት እርትርዩን ዳርሳም፡ ናይ ምህነት መቅደረት ወመቅደረት እቅትሳድ እርትርዩን

ቀላል ኢኮን። የምክን ለመቅደረት እቅትሳድ ቦም ለልትበህሎ ዲብ ካርጅ ለህለው ኤረትርዩን እብ ዕልብ ሒዳም ወላመ መቅደረቶም ሕድድት እግል ትግበእ ትቀድር። ዓ'መተን ምስል ቅያስ እቅትሳድ እርትርዩን እንዴ ተኣትጃግሩ ላኪን፡ ክም መቅደረት እቅትሳድ አርትርዩን እንደእዩ እንዴ ህሌነ ለሒለት ሕድት ኢኮን። ብዕድ ለዲብ ካርጅ ለሀለ ሽዑብን እብ አፍካሩ እንዴ ልትበደልቱ ገይሰ ለሀለ። ለአወላይ ጂል ለምን ኤረትርዩን ለጌሰ፡ በረ ምን ኤረትርዩመ ልምበር እንዲኢኮን፡ እብ አርወሐቱቱ ዲብ ካርጅ ለሀለ ሊኢኮን፡ እብ ደሚሩ፡ አፍካሩ ወመሻረከቱ ክምሰለ ዲብ ኤረትርዩን ዐ'ዱ ለሀላቱ ለልትሐሰብ። እግልሚ እብ ዓዳቱ፡ እብ ታሪኩ፡ እብ ነባሪሁ፡ እብ ፈታሁ እግል ሽዕቡ ወወጠኑ፡ ዲብ ካርጅ እንዴ ሆለ፡ አክል ሕድ ክምሰለ ዲብ ቀበት ኤረትርዩን ነብር ለሀላቱ። እሎም መዋጥኒን እሎም ህዬ፡ “ሚዶልቱ ዲብ ዐድነ ለነኣቀብል፤” ለትብል ትምኔት ለቦምቶም። ሕልሞም ዐዶም፡ ወጠኖም ወሽዐቦም ሌጣቱ። እሊ ጂል እሊ ዲብ ዐለዮ እተ ለዐለ ዲብ መደት ለወልደዮም ወዲብ ለዐበው ጂል ሐዲሰ ህለው። እሎ'መ ምን ገብኦ፡ ዋልዴኖም አክል-ሕድ ክምሰለ ዲብ ቀበት ዐዶም ለህለው እብ ዓዳቶም ወታሪኮም ለዓበዎም ምንማቶም፡ ክምሰለ ናይ ዋልዴኖም ዓዳት ወለመድ እግል ለህሌ እግሎም ምንመ ኢቀድር፡ ምን ዋልዴኖም ለትደቀበው ቶም። ለሳልሳይ ጂል፡ ለዲብ ካርጅ ለትወለደው ኤረትርዩን እግል ኖሶም ዮም ሳልሳይ ጂል ወልዶ ህለው። እሎም ህዬ ለዋልዴኖም ዲብ ካርጅ ለውሉዳም ቶም። እት ረኣሰ እሊ፡ እትለን ለሐልፈየ ሰነዋት ምስለ ናይ ዐዳወት አክይ-አፍዓል፡

እብ ዓ'መት ሐቆ ሕርየት እተ ለሐለፍኖህን ሰኔታት፡ እብ ዐዳዋት ካርጅ እንዴ ትቀሰበት ካርጅ ለተዐዴት እብ ዕልበ ሕዴ ለአለበ ቅወት ሽዑብመ ህሌት እግል። እሊ ጂል እሊ ላኪን እብ ዓዳት ወእብ ተፍኪር ምነ እት ቀበት-ዐድ ነብር ለሀለ ሽዑብን ኢልትፈንቱ። ብዝሒም ምኖም ዲብ ኤረትርዩ ለደአርሰው፡ ብዝሒም ምኖም ክድመት ወጠን ለእትሙማም፡ ብዝሒም ምኖም ዲብ ወራራት ወያኔ እብ ፍርሰነት ለሓብርበ ወለኣትሓረበ ወዳፍዓቱ። ምን ሐረስ እሊ፡ እሊ ራብዓይ ለእምቤሉ ክፋል፡ ናዩ ሒለት፡ ወናዩ ፍንቲት ለቡቱ። ለዲብ ካርጅ ለትጸበረየ ክምሰለ ለሰአየ ሰበት ኢጸንሐቱ ሰአየት ወኤማኑ ለተምተማመ ሆለ። ምን እሊ ከፈፍል እሊ እንዴ ትበገሰነ ዶል እንርእዩ ህዬ፡ ዲብ ካርጅ መጅተመዕ እብ ተማመ ሀለ እግል።

ከለልትጠለብ ሚቱ እምቤ ምን ገብኦ፡ እሊ ብዝሒ ለቡ ወዲብ ዐለም እብ ተማመ ፍንጡር ለሀለ ሽዑብ ኤረትርዩ፡ ወጠንዮቱ እግል ለአደቅብ፡ ውሕደቱ እግል ለአደቅብ ክምቡ፡ ታሪኩ ወዓዳቱ እግል ልሕፈዝ ክም ወጅቡ፡ ክም መጅተመዕ ኤረትርዩን እብ ባካት ባካቱ ወእብ ቃራት ቃራቱ ጃልያት እግል ለአሰሰ ወመዓወነቱ እግል ሕድ እግል ልሽፈቅ እንሸቁ ዲብ ጸንሐነ ላኪን፡ ምስል ሓድረት ሓለት ወጠን ወእትብጉሳሙ ለህሌነ ወራታት ወጠን፡ ምስለ ሰቱት ለሆለ አሽቃል መርሐለት ሐዳሰ እንዴ አትመጣወርከ፡ ወምስል ሓድረት ሓለት ናይለ ዲብ ካርጅ ለነብር እርትርዩን እንዴ ቃረ'ከ፡ እብ ዕጹፍ ካድም ትሩድ ለለሐዜ መኒን እት ቀደሚነ ለሀለ ሽቅል ቱ።

እት ረኣሰ እሊመ እሊ ጃልያት መትከምካም እርትርዩን ለህሌነ ዲብ ዘመን ናይ ቴክኖሊጂ ዘመን ሰበት ገብኦ ሒብሬ ወአምር ለኣትሐዝያሁ። ምስል ለትፈናተ መናሰባት ለትገይሱ፡ እብ ክሰሰ ታሪኩ፡ ወጠንዮቱ፡ ዓዳቱ፡ ሰቃፊቱ፡ ግድላሁ፡ ሩእየት ወእስትራተጅየት ዐ'ዱ ወሕኩሙቱ፡ እብ ክሰሰ ሓድረት ሓለት ወጠኑ፡ እብ ክሰሰለ ለሀለ መታክል ወመሐለኪት ወጠኑ፡ መቅደረት ወሒለት ሰአየት ለለሀይብ ለመጽእ መስተቅበል ወጠኑ፡ ፈሀም ክም ለህሌ እግሉ እግል ኒዴ ብከ። እብ ክሰሰ ወጠን ሌጠ እንዴ ኢገብኦ፡ እብ ክሰሰለ ነብር ዲብ ለሀለው መጅተምዓትመ አምር ካፊ እግል ለህሌ እግሎም፡ ሚ አብካት ክምሰልቦም እግል ለአምር፡ ዲብ ካርጅ እተ ለነብር ዲብ ወክድ ሚ ሰታት ሽቅል ክም ቦም እግል ልፍህሞ፡ ክም ጋነ እንዴ ገብኣው ዳ'ናም እንዴ እንቶም እግል ልምበር እንዴ ኢገብኦ፡ ጅንሰየት ናይለ ነብር

ዲብን ለህለው ድወልመ ሰበት ቦም፡ ክም መዋጥኒን ናይለ ለነብር ዲብ ድወል ለነብርቡ አብሳር ወበክት እግል ልትከለቅ እግሎም ወለረኩቡ አብካት እብ ተኣሰትህል ክም ልትነፈያቡ ለተአቀድሮም ገበይ እግል ትጥፈሕ እግሎም ወጅብ። ከአምር ወፈሀም እሎም መዋጥኒን እሎም ክም ለዐቤ ወፈዴሕ አሮት ምነ እንክድም ዲብ ለህሌነ ሽቅሉቱ።

ለሳልሳይ ዳይነ፡ ዲብ ካርጅ ለነብር መዋጥኒን ኤረትርዩን እት ሽቅሎም ዕውታም ክም ገብኦ መትጸጋምቱ። እሎም ነኣይሽ እንዴ ህለው ዐለዮ ለጌሰው ከዲብ ለአበረው፡ ዲብ ለትወለደው ወወልደው፡ ወምን እንሰር ሐቆ ሕርየት ለጌሰው ክሎም እብ ሕበር፡ እተ እሊ ህለው ምን ለሀሉ እብ ጀሀት ጀሀቶም እንዴ ትከምከመው እግል ዐውቱ ሕበር እግል ልክደሞ ክምቦም፡ መጦርለ እት ቀበት ዐድ ለገብኦ ሽቅል እንክድም ዲብ ጸንሐነ ወህሌነ። እሊ ዐውቱ እሊ ህዬ፡ ፍገራተ እብ ፍዕል ለትረኤ ወለ ነብር ዲብን ድወል እግል ኖሰን አደሐ ጸዐደ ለልሸህደ ዲባተን። ከሽዑብ ኤረትርዩ ክል ዶል ክምኩም፡ ንዙም፡ እንዴ ሽቀ ለነብር፡ ተዕሊም ለፈቱ፡ እት ውሕደቱ፡ ታሪኩ ወዓደቱ ለለሓፍዝ፡ አምሩ እግል ለአፍዴሕ ለልትጸገም፡ ዲብ ውዳይ ጀራይም ለኢልተራቀሽ፡ ሕድ ለሰዴ፡ ዐዳለት ለፈቱ፡ ወእት ክሉ ለልትብገሰ ዲብ ሽቅል እንዴ ልትዐወትቱ ለልትረኤ። ብዝሒም መነ ዲብ ካርጅ ለትወለደው ወዐበው ሽዑብከ፡ ዲብ ዐዶም እንዴ ደርሰው ምስለ ዲብ ካርጅ ለልትሀየብ በክት ተዕሊም እንዴ ትጃገረው ለተዐወተው ብዝሒምቶም። ሰበት እሊ፡ እሊ ተፍኪር እሊ እግል ልዕቤ ወልፍየሕ፡ እግል ልትወረሱ፡ አተላላይ እግል ለህሌ እግሉ፡ እግል አኬ ወእግለ መጽእ ግም ለክድም አሀመየት ዐባይቡ። ርኢሰመ እተ ለሐልፈ ወቅት፡ እግለ እትለን ሰለሰ-አርበዕ ሰነዋት ካርጅ ለተዐደው ሻባብ ዲብ ለኣትሐሳለፈየ ልእክት ሻርሑ ዐለ። ዮም እብ ለትፈናተ አሰባብ ካርጅ ዕዳያም ህሌኩም፡ እት ለገብኦ ወቅት ህዬ ዲብ ዐድኩም እግል ተኣቅብሎቱ፡ ለዐድ ናይኩምተ፡ አሰክ ዲብ ህሌኩም ላኪን፡ ተዐለሞ፡ መቅደረት ምህነት ክሰቡ፡ እት ክል ሽቅልኩም ዕውታም እግል ትግብኦ ገብኣኩም ምን ገብኦ፡ እት ሽቅልኩም ወደረጀት መንበረት እቅትሳድኩም ሰርጉላም እግል ትግብኦ ትጸገሞ፡ ሽቅል ፍተው፡ ዓዳት አተቅበሎት ትክብ እዴ ብዕዳም እግል ተሓርቦ ወተኣሰርቶ ብኩም፡ እግል ኒበሎም እንቀድር። እሰልፍ እተ መትዝም ጃልያት እርትርዩን እግል ልእተው ቦም።

ልተላሌ....

እፈትርየዎጃዳክ

ክል አርቡዕ ለትጠ'በዕ ጀሪደት

መዳልያይ።

መሐመድ እድረሰ መሐመድ

ናይብ መዳልያይ።

ኣድም ሳልሕ (አቡሐረሽ)

ለይ-አውት።

ፋጥና ኣደም

ዘህረ ዐለ

ተለፎን። 121797

ፋክስ። 127749። ዕ.ሰ.ቡ። 247

ተውዝዕ ጀሪደት።

ተለፎን። 200454

ኢትአመሮት።

ተለፎን። 125013። ዕ.ሰ.ቡ። 1284

ናይ ሰልፍ ምደርስ

ለሰለሰ አምዲላት ዱሼን ለቀበዮን፣ ለከፍኦየ አምዲላት ለረም ለሀ ገብአዩ። እት አዋራፍነ ለዐለት ጠቢዐት እግለ ቴለል ለፈህመቱ መሰለት። ሽማላት ምን ቅያስ ወለዐል እግለ አወድግ እብ ፎጻታት ረብሸዩ። ብርድ ወበረድ ምን ቀዳሚቱ ወለዐል ሽደደ ወአርድ በለሰ። ሽማላት ወአበርድ ሞት ናይለ ዐቢ ሚርሓይ እንዴ ሰምዐው አካኑ እግል ልጽበጦ ልትባደር ለዐለው መሰለው።

ዐድነ ምነ አካንል መድረሰት ክለ ምን ቅርደ ትትርኤ። ለፈጅረት ለሀ እብ ክትር ብርድ ወቅርሲስ ምን ቤቱ እንዴ ፈግረ ለልትመሼ አው ለሽግብ ነፈር ልትርኤ እት ኢዐለ። ምን አሰቦሕ አሰከ አምዕል ትትከፈል። ለዐድ እንዴ ጨምቤት ምን አትክል ወአትሸዐት ለፈግር ተናናት ሌጠ ማልአት ትትርኤ ዐለት። እት ወቅት ላሊ ጊም ወተናናት እንዴ ተሓበረው፣ አሰክ ሸርቀት ግልቡባመ እት እንቶም ለአጽብሐ እት። ምስል እሊ በይሐ ወጋላብ እት ልትናቄ አልባብ አዳም ቀልብ ልትመዩ። አነ ደአም መሻቀለቼ እብ ምደርሰናተ ለዐለት። ምን ክሉ ህዩ እት ረአሰለ ባልዮት ፍሉገዮቱ ሐቲ እንዴ ኢኪሬ ዲቡ ብጉሰቱ። ለአኬት ህዩ ለእግል አቅብል እታቱ ለቤሌናተ አምዕል ሰኒ ሀለገተኒ። ምን ዶል እት ዶል እበ ህቱ ለመጽእ እበ ገበይ እት አተቃብል ወእት አትቀባብል ርሕዩ ፈግረት። ህቱ ላኪን ኢመጸ። ለህቱ መጽእ እበ ገበይ እንዴ ግሰኩ እብ ልብዬ “ዎ እሰታዝ እቦዩ ሀሌክ? ሐሰብክ አቅብል። ብዙሕ ኢተኣትጽብረኒ። እብ ሸፋግ ምጽእ፣ ንትሰፍለለክ ሀሌኒ።” ምን ቤልኮመ፣ ለህቱ መጽእ እበ ገበይ እዝን ጽምት ሀበተኒ። አነ እግል እፍሀሙ ለኢቀደርኮ አሰባብ እምብዕዩ ምን ዕንታቼ ጀለም ቤለት።

ዐመቼ ፍግረቼ ወእትዮቼ ሰበት ይአመመኦዩ፣ እብ ክርባጅ እት ወሳውሰ ወእት ተአፋድድ እቼ “ለባብ ተሓጸሉ እንቲ። ትክ እንዴ ትበይ እንዴ ትገሌኪ አመት ፍዕሎኪ ደይ። ሚቱ እሊ መትሻባብ?” ቤለተኒ ክርንተ እንዴ ወቀለት።

አርድ ክም ጸልመተ ሐንገልዬ ብዙሕ እግል ልሕሰብ አንበተ። ዶል ሐቲ ዱሼን ክመ በዲር ልብሉ፣ እት ለቤለዩ አምዕል ክም መጽእ እንዴ እነሰኡ፣ እንዴ መጽ አነ እንዴ ይርእዩ እንዴ ሐልፈ እት ተሸጋታዩ ሰክብ ለህለ መሰል እቼ። ዶል ህዩ አሰክ ዐድነ እት መጽእ፣ እት ገበይ አርድ እንዴ መሰ እቱ፣ እት ብርድ ቅርሲስ እት ልትጀረሰ እርእዩ። እሊ እት ሐሰብ እሸቄ ሰበት ዐልኮ፣ ለፍዕሎዬ ልትሐባለክ ምንዬ ዐለ። ዐመቼ መራቀበት ትርድት ወዴ እቼ ሰበት ዐለት።

“እንቲ ወለት እሊ አጫብዕኪ ምን ዕጩይ ሸቄይቱ ወለሚ? አሆ ዶልክ ለፍዕሎ አኬኪ? ዮም ሚ ራክበትኪ ህሌት?” እንዴ ቤለት ሐሩቀተ ሰበት ኢበርደት እላ፣ እንዴ አትሌት “ሽርብ ትሸረበኪ! ከልበት! መረድ ህቱ ... ንዒ፣ ንዒ ቅነጺ እግል አቦትኪ እለ ዐሽነት አብጽሕዩ። ጌሰት ወይአቅበለት ግብኢ!” እንዴ ትቤ፣ ምን ገጸ እግል ትሸንኬኒ አሰክ ቤት-አቦቼ ለእኩተኒ።

እሎም ዐድ አቦትኪ ለቤለተኒቶም፣ ምስል እምዬ ናይ ረዩም ሞላድ ዐለ እሎም። አነ ላኪን ክም አብዕብ ወአቦት እርእዮም ዐልኮ። አነ ክልዶል ሰበት እትለኦክ እቶም፣ ወዶልዶልመ ምስሎም እትመዩ ሰበት ዐልኮ፣ ወምን ክሉ ህዩ እሰታዝ ዱሼን ቤቶም እጃር ሰበት ዐለ፣ እግል ኢጊሰ ሰኒ ፈረሕኮ። ዐመቼ “ክመ እት ወቅት አልሀሽ እግለ መኣንግዳይክ ለትአብዩ፣ አናመ እግልኪ ሰኒ አብዩትኪ ህሌኮ። ጊሲ ምስሎም ትመዩይ። ጅንዬ አሰክ ገይስ ምንዬ፣ እለ ቤት አወዕ አጊድ ተአቀቢሉ።” ቴለተኒ።

ምነ ቤት እንዴ ፈገርኮ እብ ሰዐይ ገበዩ ጸበዋኮ። አሰር ዎርት በዐል ፈረሰ ከይከይ እት እብል፣ ምነ ዓቃብለ ፈረሰ ለልትናፈር ፈለልም በረድ ገጩ እት ሻውዋ እቼ፣ እግል መደት ታሌክው። እብ ልብዬ ህዩ “ዱሼን ማጽእ ለህሌ ገብእ መኢፋሉ?” እት እብል ሐሰብ ዐልኮ። እንዴ ኢልትአመረኒ አመተ አለቤ እት እበራድህ እት ቤት ሰበት አቲኮ፣ አቦቼ ደንገጸት። “ሚ ገእኪ እንቲ ሚ ሳይፈኪ? ሚ ዐይነት ቀምቱ እሊ፣ እትሊ ብርድ በራድሂ? ንዒ እሰኪ እብለ ሰሐኒ። ሚቱ ምን ኢትርኤኮ፣ አሆ አክል እሊ ከለእኪ ምኒ?” እንዴ ትቤ ምን ገጩ ወምን ረአሼ በረድ እት ከፍክፍ ምንዬ አሰክ አታፍእ ሰሕበተኒ። አብዕብዬ እብ እንክፋ፣ “እንዴ ምነ ሰገ እንዴ አብሸልኪ እት ጢሾ ክረይ እላ። አዜ ላቱ ዱሼንመ መጽእ ገብእ። አሰክ እሊ ወቅት ለተአጸንሕ ሚ ዐለት እሉ? እንዴ አቀደመ እግል ልምጸእ ዐለት እላ። ደሐንቱ አዜመ ምጽቱ ኢተርፋ” እንዴ ቤሉ፣ ጀፈር ሸባክ እንዴ ቀርብ ገጹ ከደን ለአትቃምት ዐለ።

አርድ እት ጸልምት ክም ጌላ፣ አነ ክም በዐል ዴደባን፣ ክል ሐከሸ እት አተናሳይ አቲኮ። ንብሐት አክላብ ዶል እሰምዕ ትንፋሼ እንዴ ካረምኮ፣ እት አተናሳይ እጉበእ። አቦቼ አጊድ ለኢትሰክብ ወሃጃክ ለትፈቱ ሰበት ዐለት፣ እብ ሞላድ እት ዳግም ኢአሰከበተኒ። ምናተ፣ ዱሼን ኢመጸ።

ባካት ሰር ላሊ ክም ገብኦ አብዕብዬ እግል አቦቼ “እንዴ አንጽፊ እዩ፣ ዱሼን ገድም

ተአከረ። ምምያዩተ ገብእ። አነ ገድም ሰኮብ ሐይሰኒ። ሐር ህዩ እሎም ናይ ሕኩመት ሸቃሉ፣ ሸቅል ሰበት በዝሕ እቶም አትአደገዉ ገብእ” ቤለዩ።

እግልዬ እበ ግራላ አታፍእ መሰከብ ምንመ ለአትዳሉ እዩ፣ ሰኮብ ረዩም ሰክነ ምንዬ። አብዕብዬ እት ልትማቀእ ወልትሳዐል ወዶል ህዩ ዱዐ እት ወዴ፣ ብዙሕ ክልኦ። በኑ እት ገራግም “ለፈረሼ ከፎ ለህሌ ገብእ? ቃንጪ አው ሰዐር እብ ለሀ ለልሀይብ እትዩ ልትረከብ? ሰዐር ዲ እብ ግራሽመ ኢልትረከብ” ልብል። ሐቆ መደቲት ህዩ፣ ሰኮብ እንዴ ዐመዩ በዋ ቤሉ። አናመ ሰኮብ ክመ ልሽእግ እቼ ለዐለ ገእኮ። ሽማል እግለ ቃንጪ ክም ከብህ ወክሽክሽ ዶል ወዴ፣ ወለበረድ እብ ብዝሐ ባብ ዶል ከራክሕ እትነ ህዩ እብ ሐዲስ ምን ህርጋቱዬ እፈዋን ዐልኮ። አብዕብዬ “ዱሼን እት ለጌሰዩ አካነት ልትመዩ እት ገብእ?” ለቤለዩ ሰበት ይአግከዕኮ እቤ፣ እት ሀመት ክብድት አቲኮ። እንዴ ኢልዐይረነ ኢልትመዩኒ ለልብል ጌማም ሰበት ነሰኢኮ፣ ምጽቱ ጽብረተ ኢዐልኮ። እት ምስኮብዬ ቅልጭ ነሰአተኒ። ግረ ብዙሕ ዐሎባዋ፣ ክም ንፋዝ ምን ምስኮብዬ ብት እቤ። ንባሕ አክላብ ወሕንረር ጋላብ እት ልትደቀብ ወቃሎት እት በልሰ መጸ። አክራናቶም እት ልትወሰክ ወእት በዝሕ ሰበት መጸ። ወአሰክ ዐድ እት ልሽእግ ሰበት ቀርቤ ለዐድ ሰኒ ትረበሸት። ለአክራናት አዜመ እት ቀርብ ወእት ልተረድ፣ ወሐጸይጽ ናይ አንድብ እት ልትሰመዕ እት ቤትነ በጽሐ። ሰክብ ህሌት ለእቤለ አቦቼ “ብርድ ገብእ ቀትለዩ እሊ አክላብ?” እት ትብል ሰዕኩው። አብዕብዬ ላኪን እምበል ህግዩ እግለ ንባሕ ለአተናሴ ግረ ጽንሐቱ፣ ምነ ዐራቱ እንዴ ነፍረ ትከረ። “እሎም አው አዳም አው ፈረሰ ራክባም ገብኦ እንዴ ኢኮን እምበል ሓጀት አክል እሊ ወኢትረበሸው። ምን ክሉ ዱሼን ሌጠ ኢልግበእ። ከረ ዱሼን ሰፈር ሐቆ አመመው፣ ላሊ ኢልብሎ ወእምዕል፣ ፈርሀት አለዎምተ” ቤላ። ጅብቱ “ግል ልሕዜ እብ እዴሁ እት ለሀተማትም፣ እግል አቦቼ፣ “ሸፈጊ አጊድኪ በርሀት አብርሂ።” ቤለዩ። አቦቼ እግለ በርሀት እብ ሸፋግ ክም ወለዐተ፣ አክራናተ አክላብ ወጋላባት እባህ ትሸረቤ። አብዕብዬ “እሎም ጃእራም እግለ ለልሐዝው ሰበት ረክበውቶም ለንባሕ አዝመው ምኑ” ቤለ።

ምን ህግዩ አብዕብዬ አነ ወአቦቼ እብ ፈርሀት እግል ነኦርዐዴ አምበትነ። አብዕብዬ ክሹ እንዴ ረፍዐ፣ አሰክ ባብ ክም አተጀሀ፣ አክላብ ቤትነ ንብሐት አንበተው። ገሌ ዲግራዲግ ለልብል ክርን እት ቀርብ ባብ ቤትነ ክርከሐ። ለባብ እንዴ ደረከ ዱሼን ገጹ ጸሊም

ተርጀመት፣ ጀዕፈር ሳልሕ

እት እንቱ ወገሮቡ ምነ ለዐለዩ ሰኒ እንዴ ደዕፈ፣ ገርቡ እት ለኦርዐዴ ወአንድብ ከብከብ እት ልብል፣ አብሀደ እትነ። “ባሩደት ሀቡኒ” ክም ቤላ፣ ክልነ ለሓለቱ እንዴ አትፈከረተነ ወኦርሐመተነ። እምበል በሊስ እግል መደት ቀሲነ። አነ ለኦርድ ምነ ለዐለዩ ጸልመተ እቼ። አብዕብዬ ወአቦቼ ለአትሀጋግው እት ህለው፣ አነ አፋዬ እንዴ አግሀጽኮ አትቃምቶም ሌጠ ዐልኮ። አብዕብዬ፣ “መላኢከት እንዴ ዐቅብተክ ምን እለ ጸላም ብቀት ሰበት አፍገረተክ። እግል ሕሽመተ ሐቲ ጸዕደ ሌጠ አው ጸላም ብግዕት እግል ንሕረድቲ። የሀው ሕረዶ እሎም።” እንዴ ቤለ እት ለሀተፋትፍ እሰምዑ ዐልኮ። ዱሼን ላኪን “ባሩደት ሀቡኒ” ሌጠ ደጋግም ዐለ። ከረ አብዕብዬ ላኪን “ባሩደት አለብኒ” እንዴ ቤለው እግል ለአትሀዳዱ ወለአትገሰው ሰሓሐቡ ዐለው። ዱሼን ህዩ “ከላሰ ሞረት ሀቡኒ” ቤለዮም። ህቶም ላኪን “ሰልፍ እነ ቅተል ዲኢኮን እብለ ሓለትክ ሕነ እግል ንጠልቀክ ኢኮኒ።” እንዴ ቤለው ጸቡጡ ወዳኩሉ ዐለው። አነ እት አርዐዴ ገርብዬ እንዴ አበ እዩ እት አርድ ህፍሽ እቤ። ዱሼን እብ ሐሩቀት ክርባጅ ፈረሱ እንዴ ለክፈ፣ ግሲ ወደ። ለአክላብ ወለጋላባት እግለ ፈረሰ እብ ሰዐይ እንዴ ከርደነው ሰበት ነፍሐው፣ እት ድንገበ እንዴ አውደቀው፣ እንዴ ሀጅለው እቱ ድራሮም ወደው። አብዕብዬ “አሰናይ ረቢ ምን እለ ብቀት እክ አፍገረ፣ እንዴ ኢኮን ናይ ፈረሼ ምሽክለት ኢኮን። እግሉ ምን ኢረክቦ ህዩ እግልክ ወበልዐው። አዜ ኢትሕዝን እሊ ሻትር ልባሰክ እንዴ አፍገርክ ንዐ እሳት ሰሐን።” እንዴ ቤለዩ፣ እግል አቦቼ “ሸፈጊ ለእሳት አሳዊረ ወክቦ ወሰኪ እት” ቤለዩ።

ዱሼን ወአብዕብዬ ጀፈረ አታፍእ እንዴ ትገሰው፣ እት ልሰሕኖ ህጅኮም አተላለው። አብዕብዬ “እግልሚ ጽባብሕ ኢትበገሰክ?” ዱሼን “ለእጅትመዕ ምነ ለትሐሰበ እሉ ወቅት ሰኒ ሬመ። ወአነ ዕዱ ናይለ ሕዝብ ሰበት አኒ። ምን ምግብ እግል እፍገር ኢቀደርኮ” “ከእንዴ ትመዩክ፣ አሆ ፈጅር ኢመጸክ?” “ለደረሳዬ ዮም እግል እምጸእቱ እንዴ እቤ ቀል አቲ እግሎም ሰበት ዐልኮ፣ ፈጅር መድረሰት እንዴ ትፈረረው እግል ኢልሕገሉኒ እንዴ እቤቱ” በልሰ ዱሼን። አብዕብዬ ለሐርቀ እት መሰል እት አቦቼ እንዴ ትወለበ “ሰሚዑ ህሌኪ? አክል አዩ ልብ አለቡ፣ እግል እሎም ለኢነፍዮ አጀኒት እንዴ ቤለ ሐዶቱ እግል ለአብዬ እት ብቀት ለአቲ?” እት ዱሼን እንዴ ትወለበ “ዕዩን እንተ መሰለኒ! ምን መደት ህዩ እትሚ ሞተ ወትበሀልክ?” ዱሼን ህድእ

ብህል እት እንቱ ወእዳሁ እት ረአሰ አታፍእ እት ገላልብ ወቀራቅዕ “ዋጅብዬ ወሸቅልዬ ሰበት ገብኦ፣ እግል አዩ ለመጸኒ መሻክል ክቡቱ አኒ። እግልዬ እትሕዙንዬ ለህለ ላኪን ክም በዲርዬ እብ እገርዬ ሕኔት እገደሱ፣ ፈረሰኩም እንዴ ነሰኢኮ እግል ዴቶት እብ ሂበቼቱ” አብዕብዬ ክብት እንዴ አበለዩ “ኢትዝክፋ ዐሌክ-አለ! ከራመትክ ልግበእ! አነ ክሉ ዕምርዬ እብ እገርዬ ለሂረርኮ ሓግላይ ገቤራይ አኒ። በሰ ሕኩመት ሶሽዩት ትብጠር እነ እንድኢኮን ፈረሰ ብዕድ እግል እርከብቱ” ቤለዩ። አቦቼ እት ነብዕ ወሂጋህ እት ተሀንቀብቅብ “እሊ ልትሀደግ ለህለ ክሉ አማንቲ። ክሉ ምን ትትረሰዑ ለሐይሰከ። እንክ እሊ እብ ሕፋት ብልዐ፣ ምነ ብርድ ነፈዐከ። አሰናይ ረቢ አፍገሬከ! እብ ፈረሰነ ኢትትሻቀል። ረቢ ህለ ፈረሰ ብዕድመ እንረክብ” ቤለቱ ነብረ እት መዋዩ።

መደቲት ትም ብህላም ክም ጽንሐው፣ አብዕብዬ እሳት እት ለአሳውር፣ “ሰምዐኒ ዱሼን ወልዩ፣ እግል ሚ እትሊ ክሉ መሻክል ተአቲ ህሌክ? እግል እሎም ለኢነፍዮ አጀኒት እንዴ ቤልክ አከይ መንበረት ሕኔት ተሓልፍ፣ እግሎም እንዴ አዘምከ ምናም፣ እግል ዎር ታጅር ምን ትታሌ፣ ረሀዩት ለበ መንበረት ወሓለፍክ” እንዴ ቤለ እግል ልምክሩ ጀረቤ። ዱሼን ላኪን “ሰኔት ክም ተሐሰቦ ወትሐዙ እዩ አነ አምር። ላኪን እሎም ነኢይሽ አግራዝ ክመ ናይኩም ፍክር እንዴ ጽብጠው ዐበው ምን ገብእ፣ ሶሽዩት ዐድነ እግል ትትጠወር ኢኮን፣ ሸሙይ ገጹግረ እግል ቲጊሰቲ። ክመ ሌኒን ለቤለዩ “ሽዑብዬ እግል አድርሰ ሐቆ ቀደርኮ፣ እግል ለገብኦ ልግበእ መታክል እግል እዋጅህ ወእግል እፍትሐ እቀድር” እንዴ ቤለ አፍክሩ እንዴ ኢከምክም፣ አብዕብዬ እንዴ አካረመዩ “ንኢሽ ሰምዐኒ ወልዩ! እብ ሞት ሌኒን እንዴ ወቀልክ ምንመ ኢትበከ። ብዙሕ ክም ግሄክ አምራም ሕኒ። ላኪን እግል ተአምረ ለብከ፣ ለሞተ እብ ሐዘን ኢለአቀብል። ሐር ህዩ እብ ሞት ሌኒን በይንክ እንዴ ኢትገብእ፣ ክሉ ገቢልቱ ለሐዘከ። አናመ ሞቱ ተኣትሐዝኒ። አልፍ መረት ሌኒን ዲኑ ብዕድ ምንማቱ፣ እት አምዕል እት ሐምሰ ለፈርጃ ዱዐ እወዴ እሉ ህሌኮ። ለዱዓዬ ምስለ ናይክ ናይ ሰዶሰት መብጠር እብ ከፎ ትርእዩ ይእደሉ። ሌኒን እት አልባብ ክሉ ገባይል ነብር ሰበት ህላ፣ ወእግል ውሉድ ዋልዴን እግል ልንበር ሰበትቱ፣ ናዩ ወናይክ ሐዘን ወብካይ ዐውል አለቡ” ቤለዩ። ዱሼን ገጹ በርሀ “ብዙሕ ሐምደክ! ህግዩ ሰኔት ተሃሂከ። ክመ እለ ቤልከ፣ ሌኒን ምን መደትመ ሕነ ኖሰነ እንዴ ከደምነ ክም ሌኒን እግል ንግበእ እግል ንክደም ብነ” ቤለዩ።

መቃበለት፡ ምስል ወዚር ኦርድ፡ ማይ ወድዋር አሰይድ ተስፋይ ገብሬሰላሴ

አድም አብሐረሽ ወሳልሕ ገመ

ወዚር ምድር፡ ማይ ወድዋር አሰይድ ተስፋይ ገብሬሰላሴ ሲያሰኑ ሕክሙት ኤረትሮፕ እት ሰአል ምልክቶች ወሰኑን አርድ፡ እብ ዋዴሕ አህፃኖ ወጠን ወብዕድ ጋራት ለትክሰሱ ምስል ሲሕፍዩን ቀበት ዐድ ለወደየ መቃበለት እግል የም 1ይ ክፋሉ፡

ሰአል፡ እዳረት ምድር እት ኤረትሮፕ ከልፍየተ ሚ ትመሰል ወወደሐከህ እግልነ?

በሊሱ፡ ክም ኩሉ መጅተመዓት፡ መጅተመዕ ኤረትሮፕም ለሽክል እቅትሳድ እጅትማዕየት ለልኦርኤ አውመ እግሉ ለከድም ግም ጸቢዋ ምድር (Land Tenure System) ዐለ እሉ። ሰደፍ ላኪን፡ ለጸንሐ ግም እግሉ ድግጉር ተዋልል እቅትሳድ፡ ለወዴሕ ዐለ።

መናበረት ናይ እሊ ሸዑብ እብ ሰቡብ ጆግራፍያይ ወናይ ሓለት ጀው ተዋልል ዐድኑ፡ እት ለትፈናተ ድዋራት ለትፈናተ ሽክል ጸንሐ እሉ። እት ከበሳታት እት ደገጊት ሳቡት፡ ሳቡተት መንበረት እት ልትነፍዶ፡ እብ ትሉሉይ እብ ሐርሰ ለትብሮ ሽዑብ ዐለው። እሉም ዎሮት ግም እግሉ ለህሌ እሉም ላዝም ተ።

እት ምግባይት ሓለት ጀው ለብእቱ ምድር ወቀላቅል ለትብር ሽዑብ ክልኢቱ ሐርሰ ወርዕዮ እንዴ ጨምረ ለትብር፡ እግሉ ለዋፍቁ ምድር እንዴ ጸብጠ እግል ልንበር ላዝም ተ። ለእት ሰብክ ወላጋም ኑብር ህዬ፡ እግል ልርዴ እቱ ለቀድር ናይ ለልብሉ አርድ ዐለ እሉ።

እት ዲብሳብት ሐርሰ ወመንበረት እት ልትነፈሰ እት ደገጊት ለትብር፡ ክልኢት ግም ጸቢዋ ምድር ዐለ እሉ። ለዎርት ‘ርስቲ’ አው ‘ጽልሚ’ ለልትብህል ተ። ምን አርት ፈረሰ ለልትወለዶ ምስል ለትብር ሽዑብ ለምድር ምን ዋልዴን እት እት ውላዶም ለአውሳሱ። እግሉ ምን ዋልዴን ለወርሰወ አርደት፡ አክል-ሕድ ልትነፍሱ። እብ ወክድ ወክዱ ለመጽእ ተቀዋራት እት ድጌ እግል ለህሌ ላዝም ተ። መሰለን፡ ብዝሐ ወሊድ አው መትፋራይ እግል ለህሌ ቀድር። ገሌ ብዝሓም ለወልዶ ወገሌም ሕዳም ለወልዶ ለህሌ። እት እብ ‘ጽልሚ’ ለትጸበጠ ምድር እግሉ መትነፍሱት ምን ዓይለት ሐቲ እትለ ብዝሓም ለወልደዎም ለምን ዋልዴን ለወርሰወ ምድር ልትነፍሱ እት ህለው፡ ለምድ ጨብብ እቶም።

ለካልእ ግም ጸቢዋ ምድር፡ ዴሳ ተ። እት ግም ዴሰ ለውላድ-ዐድ እግሉ ምድርም አክል-ሕድ ልትነፍሱ። እት ዴሰ እት እንቲ፡ ገሌ ናይ ዐዳለት ሽክል እግል ለህሌ እሉ ቀድር። እብ አማንመ ብእቲ። ምናተ፡ እብ ትሉሉይ እት መትነፍሱ አርድ ወሐርመ ህዬ እት መደት ሐሚር፡ አትዋሓል ወመትዐካራር ሕድ ሰበት ሳድፍ፡ ለምድር ብዙሕ ልትከደም ይዐለ እግል ልግበእ ቀድር።

ለጽልሚ ህዬ፡ ገሌ ምን ዐዳለቲ፡

ገሌሆም ውላድ ዐድ እት ምድር ራክብ፡ ወገሊሆም እት ሓግል ገብእ። ናሶም ለከልቀዉ እንዴ ኢጉብእ፡ ለካፋል ምድር ክም በዜሕ፡ እት ሕዳም ምድር ብዙሕ ዶል ልትነፈሱ፡ ክእነ ለመሰል ኢመትወጣይ ሳድፍ ዐለ።

ለድዋራት ለብዕድ በህለት እግል ሐርሰ ወርዕዮ ለጉብእ እት ፅላቃት ናይ ገብር ወመንበ አው ጸንዲት ለልኦተርግዝ ጅንሰ ጸቢዋ ምድር ተ። ለመንበ አውመ ለጸንዲታይ፡ እግሉ ሐንቲህ ለህለው ምድር ለሀይሶም አው ሰሚሕ እሉም። ህቶም ህዬ እግሉ ልትገበሮ (ከድሞ)።

እሊ ግም ጸቢዋ-ምድር ኤረትሮፕ ናይ ካርጅ መስተዕምረት ተእሲር ዐለ እቲ። መሰለን፡ ጸንዲት ትግራይ ዶል መጽአው፡ እግሉ ከዱሞም ለዐለው ናይ ‘ጉልቲ’ ሐቅ ለሀይሶም ዐለው። እት እግሉም እንዴ ወክለው ለደዩሩ ደገጊት፡ ሽዑብ ክም ልትገበር እሉም (ከድሞም) ለወዳቡ ግም ተ ለዐለ። እት ዲብ አቶብዩ ለዐለ ቀሪ አቶድ ናድእ ለዐለ ጽኑሕ፡ እት ዐድነ ብዙሕ ይኣስሐበዩ። ገሌ ዘዋህሩ ላኪን ዐለ።

ለግራህ መጽአ ምስል ተጠውር ወመትኦታታይ እስትዕማር ዋልዶን ለመጽአቲ። ህቶም እኩይ አትሐዳግ አው ነዜሰ ምድር አምጽአው። ኢጣልዩን እግል መዋጥኒም እት ኤረትሮፕ እግል ለኣስኩኖም ስታት ዐለ እሉም። ክም ሰበት ህዬ፡ ምን ውላድ-ዐድ ነዜሰ ምድር፡ ጸምዳም እቲ ለዐለው ጋር ተ። እሊ እት ሽዑብ ለኣከ ጭብ ምድር ሰበዩ። እብ ናንቲይ ለዲብ ሳቡት ደገጊት እብ ሐርሰ ልትናበር ለዐለ ሽዑብ መቃወሙት ትርድት ወደ። ፍገራት እሊ ህዬ፡ ለበርናምጅ እብ ተማሙ ኢትወወተ።

ምናተ፡ እግል መዳይን ለልኦትሐዜ በራምጅ ዐማር ክም ሽዋርሶ ወመካትብ፡ መጣራት ለመሰል በራምጅ ዐማር ሀረሶት ህዬ ለሕክሙት እስትዕማር፡ ምድር እግል ትንሰእ ክም ትቀድር እብ አዋጅ ሻርሐት ዐለት። ነዜሰ ምድር ኢልሰለጣመ ድኢኮን፡ እብ ዐመል ላቲኒ እት ከበሳታት እት ኩሉ እንክራት ምድር ጋምል ለልትብህል ምን ቀዳሞም ናስአው ለዐለው፡ እሳሁ ክም ለኦተላሌ ወደወ። መስተዕምረት ዋልዶን፡ “አዳም ለሰክኑ ወእግል መደት ረያም ለልትነፈሰ እብ ገብእ ምን ገብእ ለአርድ ኢተኦትሐዱን” ለልብል ቀራር እንዴ አምጽአው፡ ለጨቅዋ እግል ልባልሕወ ጅሩም ዐለው። እት አዳም ብዙሕ ለኣለቡ አውመ ሰብ ኣለቡ ለበለዉ ድዋራት፡ ‘ምድር ሕክሙት፡ ምድር ዶሚናሌ’ ክም ገብእ ወደወ። እብ ናንቲይ እት ቀላቅሎታት ምናጋር ጸሓይ፡ ምን ለዐል 300 ምትር ጠፋሐት በሐር ወምተሐቲ ለህለ ድበሰ ክምሰልሁመ እብ ተማሙ ሐሲዮት ‘ሰሚናዊ-በሕሪ’ ናይ ሕክሙቶም ክም ገብእ ወደወ።

እት ቀላቅሎታት ምውዳቅ ጸሓይመ ምን 800 ምትር ምን ጠፋሐት በሐር ወተሐት ለህለ እብ



ወዚር ምድር፡ ማይ ወድዋር አሰይድ ተስፋይ ገብሬሰላሴ

ተማሙ ምድር ናይ ሕክሙት ቱ ትብህሉ። ክሉ አግዳም ሐላይል ለዐለ በህለት እብ ቀሊል እግል ተአግምሉ ለትቀድር ምድር ናይ ሕክሙት አው ምድር ዶሚናሌ ቱ ተብህሉ። ላኪን፡ እሊም አዳም ዐለ እቲ ወንብሩ ዐለ። ሰብመ ህዬ ዐለው እሉ። ምናተ መስተዕምረት ዋልዶን፡ እብ ሐለት ቱ ናዝዎሙ ለዐለው።

መስተዕምር ዋልዶን እብሉ ሓለቱ እት እንቲ ክም አክተመ፡ እዳረት ዐሰከርየት እንግሊዝ ክም መጽአትመ፡ እግል እሊታት ኢበደለቲ። እት መደት ፈደሬሽንመ ለትቀየረ ሽይ ይዐለ። እሊ ህዬ፡ ዐዳለት ለብእቱ ምዕዶራት ግም ጸቢዋ-ምድር እግል ኢሊህሌ ሰበብ ገብእ። ክም ፍገራቱ እት ናንጌ ደገጊት ወገባይል በኣሰ አትሉ።

እሊ ሐል እግል ልርኩብ ምስዳር እግል ትትነሰእ ዐለት እሊ። እት መደት ሰውረት ጅሩብ ዐለ። ደርጊመ የምክን ጅሩብ እቲ ዐለ። እት ግም ደርግ ጸብጠ ለዐለ ድዋራት እብ ተማሙ እግል ሊደዩ ወጠዩ። ምናተ፡ ደርግ ራቀቡ ለዐለ ምድር ሕጽድ ሰበት ዐለ። ክምለ ልትሐዜ እት ናዕል እግል ለአውዕሉ ኢቀድረ። ሰውረት ህዬ፡ ጀብህት ሽዑብዎ ወጀብህት ተሕረርመ ዐዳለት ምድር ለልብል ፍክር ሸቁ እብ ዐለው። ላኪን፡ እሊ እት ካቲማሁ እግል ልብእሕ ሐቅ ሕርየት አዋጅ 58/94 ፈግረ።

ሰአል፡ ቅድየት ምድር ሲ አህምየት በ። እት አዋጅ ውሳኔትኩም “ምድር ናይ ሕክሙት ቱ” ለልብል ሀሊ። እሊ ሚ በህለት ቱ?

በሊሱ እሊ ናይ ሕክሙት አዋጅ፡ “ምድር ናይ ሕክሙት አው ናይ ደውለት ቱ (State Property) ቱ ልብል እት ሀሊ፡ ለምድር ሕክሙት ክም ትሰይዋር እቲ ቱ ለልኦክድ። ምን አጅል መሰለሐት ሽዑብ ለሕክሙት እት ሚ ክም ልውዕል እግል ትቀርር፡ መትነፈሰ ምድር እብ ጸብጠ እግል ትራቅቡ እግል በራምጅ ዐማር ለልኦትሐዜ እግል

ትፍሉ፡ እግል አርሐቦት መዳይን ውብዕድ ለልኦትሐዜመ እግል ትፈንትዩ ሰልጠት ለሀይብ። ሐቅ መዋጥኒን እት ምድርም እግል አድመኖት ህዬ፡ ሰልጠት ለአረፍዐ። ኩሉ እት ምድር ለብክቱ መሳሌሕ እብ እጃዘት ወአምር ናይ ሕክሙት ገብእ። እግል ልትሰጀል ህዬ ህሌት እሉ። ክምሰልሁ ለጉብእ እብ አሰብጠመ እሙር ተ። ሰበት፡ ምድር እንዴ ጸብዋክ ትትነፈሰ ምን እት ህሌክ ናይ እቅትሳድ ወእጅትማዕየት ፋእደት እት ትረክብ ምን መሳሉ ጀላብ እግል ተአውዕሉ፡ እግል አከዶት ወራቀቦት ለሰዴ ተ። እብ ጀህት ብዕደት፡ ሕክሙት ምድር ትመልክ እት ህሌት፡ ሐቅ መዋጥኒን እብ ዐዳለት ወመሳዋት እግል ተአድምን ለአተቅድር። ምድር ናይ ሕክሙት ሰበት ገብእ ህዬ፡ ኢልትዘቤ ወኢልትበደል።

እትሉ፡ መዋጥኒን ህዬ እት ምድር ሚ ሕቁቅ ቦም? ለልብል ሰአል እግል ልምጸእ ቀድር። መዋጥኒን እት ምድር ለበንዉ መኣሰሳት እግል ልምሰኮ ቀድር። ለኣካን ዝያደት እግል ወጠን እት ተአረቤሕ ሓለት እግል ትውዕል እት ለኣትሐዜ ዲቡ ወክድ፡ ሕክሙት እግል በዐለ ከሐሰ እንዴ ሀብቲ፡ እት ኣካን ብዕደት ምድር እግል ተህቡ ትቀድር አውመ ከሐሰ እንዴ ሀብተክ ምን ኣካን ትትወርከ። ለነፈር፡ ሚልካይለ እት ረኣሰለ ምድር ለሸቀዩ፡ ለአፍሪዩ ወለዘዩ ቱ ድኢኮን፡ እግል ምድር አው እግሉ ኣካን ኢኮን ለመልክ።

ሰአል፡ ምስል ምድር ለገደሰ እትሊ አውካድ ቅሩብመ፡ መምርሒታት ወፈዳልዮቱ ፋግር ዐለ። እት ሐልፈ አውካድ እብ ናንቲይ ለትረኣ ገሌ ንቃዋ ምህም ዐለ። ተውዴሕ እብ ክሰሉ ምን ተህይበክ?

በሊሱ ለአዋጅ ምድር እት ፈዳልየት ለልትብህል ዕሳን ቃኑን 31/97 ፋግር ተ። ተፋሲል መትነፈሰ ምድር ከአፎ እግል ልግበእ ክም ብእቲ፡ ምድር ለጸብጠ እግል ልትሰጀል ክም ብዲቡ፡ ምን ቱ ምድር እግል

ልርኩብ ለበ። ... እብ በንብን ለልሸረሕ መምርሒታት ፈግር ዐለ። እት ሳቡት ደገጊት እብ ሐርሰ ለልትናበር፡ እግል ሐርሰ ወሰክን ለጉብእ ምድር ጤሰ እግል ልንሰኦ ሐቅ ቦም።

እሊ ህዬ፡ ምን አጅል ናይለ እቲ ለትብር ሽዑብ ሓለት ናይለ እቲ ለትብር መጅተመዕ ለልኦምር ሰበት ኣለበ። እዳረቲ ወመትነፍዶቲ እግሉ ደገጊት ለተርፍ ሰልጠት እንዴ ገብኦት፡ ለእዳራት እብ ዐዳለት ወመሳዋት እት መሰለሐት ልውዕል ክም ሀለ እግል ተኣክድ፡ ናይ መራቀብት መሰኦልየት በ።

ብዕድ እግል በራምጅ ዐማርመ እብ እጃዘት-ምድር እግል ትትሰኣል ትቀድር። ክም መሸርዕ ለልኦረቤሕ እንዴ ገብእ እብሉ ከሰሰ ጀህት ተኣክደ እግልክ ምን ገብእ፡ እግሉ መሸርዕክ ምድር ልትሀየበክ።

እብ ትሉሉይ እት ምድር ካራይ-እደይ ምድረት ሰበት ለኦተሌ ዲቡ፡ አዋጅ ምድር እብ ዋዴሕ ክምሰለ ሽርሕ ለህሌ፡ እብ ናንቲይ ዲብል ደገጊት ለሳቡት እብ ሐርሰ ለልትናበር ገቢል ለጉብእ ተውዜሕ፡ ምድር ክም ተሀየበክ ኣሰክ እት ሐዶት ህሌክ ክም ክል መዋጥን ዋጅብክ ለኣትመምክ ሐቀመ ገብኣክ፡ ለምድር ክም ትጽብጡ ገብእ። ለምድር እግል ትራዕዩ ወተኣሰተሰምር እቲ ወትአግምሉ ብክ። እሊ ስታት እንዴ ፈግረ እሉ እብ ምልሃይን እግል ንትዐዴ ዲቡ ተ።

ኣሰክ ክምሰልሁ እንወዴ ላኪን፡ እብ ዋርዶታት አውመ እብ ተር-ተረት ምን ሰቦ ኣሰክ ዐስር ሰነት ተቃዩር እት ገብእ ጸንሐ። እትሊ ወክድ ቅሩብ እት መዋጥኒን ለወዴናሁ ኣክጠእ ምን ለዐሌ ህዬ፡ ተሰብ። ጋብእ እቶም ሀሊ። እትሊ ክም ንቅጠት ለትመጽእ፡ “ምን እሊ ዕምር እሊ ወለዐል ሐቅ ገብኣክ ምድር ኢልትሀየበክ” ለልብል ዐለ። ለኢትሸቀዩ ወኢትአግምሉ ሐቀመ ገብኣክ ምድር ኢልትሀየበክ ምን ልብል መፍሁም ተ። ሕነ ላኪን ብዕደት ሽብክት መንገፎ መጅተመዕ (Social safety Net) እግል ደገልል ሰበት ኣለብክ፡ ክም ደግለልክ መትነፈዳይለ ምድርክ እግል ትግበእ ብዕድ አግቡይ ደማንክ ከሊቅ ሰበት ለኣትሐዜ፡ እንዴ ትሰይሐ ክምለ እት በዲሩ ልትሸቁቡ ሀሊ።

ለሀደፍ ኣክረቲ ሚ ቱ? መዋጥኒን ዝያደት እብ ትውቀላት ለልኦፈሩ እግል ልግብእ፡ ለትሀየበክም ምድር እብ ዋጅብ ጀላብ እግል ልትነፍዶ እብ፡ ለትኣትሐዜ አርደት ውጢት አዋፈሐት ተ። ሰበት እስትሰማር እት ምድር ምሽክለት ክም ኢሊመጽእ ክም ወዴካሁ ሌጣ ቱ ለገብእ።

እሊታት እብ ሰብ ኢመፋህመት ገሌ ኣክጠእ ትረኣ ዲቡ። ገሌሆም ለትሀየበክም ምድር ሕኔት እብ ዋጅብ ልትነፍዶ እብ፡ እት ኣዝበዮቲ ወበደሎቲ ለትከሰአው ዐለው። ለምድር ዘበን ብዙሕ እንዴ ጸብጠው፡ ሐቡት ለኢትነፈሰው ምንመ ህለው። እሊም ክል-ዶል እት ራቅቡ እግል ልትሰይሕ ክም ወጅቡ መፍሁም ተ።

እድራሱን ደርሶ ወሽቃለ ጃላብ ሕርየት

ዲብሊ ካትብ ወጣሕሰ ታሪክ ላቱ አለም ሰገድ ተሰፋይ ለከትብዩ ምን ፈደረሽን አሰክ እስትዕማር ወሰውረት 1952-1962 እብ ልብል አርእሰ ለትከብዩ እት ምዕራፍ 15 ለትከተበት አዋይን መቃወሙት ዲብ ኤረትርየ ለከሰሰ “እድራብ ደረሰ ወሽቃለ” ለከሰሰ ጽቡዩ እግል ዮም 1ይ ክፈል

እድራብ ደረሰ ወሽቃለ ናይ ሰነት 1957-1958፡ ዲብ ቀበት ምር ሕፋን ናይ መቃወሙት ቴለልቱ ለገብኦ፡ ክሉ ለአሰልፍ ለሀደግነ እቡ ቅሎፅ አው ሰቱር ሐረካት - ናይ ራቢጡት፡ መመፈኤ፡ መሐመድ ዑመር ቃዲ፡ ወልደአብ ወልደማርያም ህዩ፡ ዓም ወዲማይ ላቱ አይዋይን መቃወሙት እት ለአሰብቅ ትረኣ፡ ልጃም ሕኩመት እብ መጽቡ ሰበት ደቀብ ላኪን፡ ለመቃወማትመ መርበዩ ባድል ዐለ፡፡

መቃወሙት በህለት ላኪን፡ ዲብ ደወራን ሲያሰት ወዐገል ጨፍጨፍት አው ጨቅጥ ለተሐደደ ሌጠ ይዐለ፡፡ ቢሉ ቢሉ እግል ሩእየት ሲያሰት ናይለ አግደ መኣይደት ሕብረት ለዐለው ኤረትርየን እንዴ አተርፍ ለበድል መሕበራይ ወእቅትሳድያይ ቴለልመ እት ዘይድ ገይሰ ዐለ፡፡ ወክድ ፈደረሽን ሰኒ ወአማን ፍንቱይ ለገብእ እቡ ሽዑብ ኤረትርየ ዲብ ሽቢ ወጨቢብ አጅወአመ ምን ገብእ፡ ናይ ኖሰክ እዳረት ወቀድየትከ ኖሰክ አትመቃረሐት በክት ሰበት ረክባቱ፡፡ እሊ እግል ኖሱ ተእሲር ትሩድ እግል ልክለቅ ቀድረ፡፡ ሰበቡ፡ ናይ ኖሰኖክ ሲያሰያይ ልግበእ ወእዳርያይ ልቀእ ኤረትርየን እግል ኖሱ፡ እግል ሰልፍ ወክድ ቱ እጃዘት ወመራቀበት መስተዕምረት ለአለቡ ዱቅሪ እግል ልግበእ ለትጀረቡ፡፡

ቀደሙ እስትዕማር ኢጣልየ እግለ ሽዑብ ሽቢ ለለአይድ አው ክሉ ረኣሱ ለጨቅጥቱ ለዐለ፡፡ እብሊ ህዩ፡ እምብሊ ዲብ መአምበት እስትዕማር ለትረኣ ለትፈናተ ቅያሰ ለዐለ እሉ መቃወማት ክምሰል ናይ ደግያት በህተ ሐጎስ ላቱ መቃወማት፡ ሽዑብ ኤረትርየ እብ ደረጀት ወጠን ክምሰል ታሪካይ ሐደሰ እግል ልትሀደግ ለቀድር ደግሸ ድድ ሕኩመት ኢጣልየ ይኣርኣ፡፡ ክምሰል እት ኢንትፈናቱ ሽርሕ ለህለ ህዩ፡ መደት እዳረት ብሪጣንየ ሱድፊት ዲብሊ ሽዑብ ኤረትርየ እንዴ ኢልዳሌ እሉ ወተጃርብ ለይነስኣ ምኑ ንዘም ሲያሰያይ ወራታት ሰበት አተዩ፡ ለወክድ ለህይ ናይ ፍንቱት ወነዐር፡ ክምሰልሁመ ዲብሊ ኢተሐዘ መርበይ ለትወጀህ ሄራርቱ እግል ልግበእ ለቀድረ፡፡

ፈደረሽን ላኪን፡ ሽዑብ አርወሐቱ እግል ልጊምም አተቅደረዩ፡፡ አሰልፍ ዲብሊ ቀድየት ኤረትርየ ዲብ ምጅልሰ ቅራን ለትቀረረ እተ ኢነት፡ መሕበር



ብላታ ዑመር ቃዲ

ሕብረት ደማን ምሰል አተብዩ፡ ሐረት እስትቅላል ህዩ እስትቅላል ዲኢኮን፡ ፈደረሽን ለጠልበ ይዐለ፡፡ ምን ለዐሌመ ዲብ ተቅሪር ለለኣቱ ኢኮን፡፡ ወካይል ሽዑብ ኤረትርየ እብ ውጃድ ዲብሊ ጀልሰት እት እንቶም እንክር እንዴ አዘምከ ምኖም፡ በክት ዐዶም እብ ብዕዳም መትቀራሩ፡ ዲብ ሽዑብ ዝያደት ሐሩቀት ከልቀ፡፡ ካልኣይ፡ ለ “ፈደረሽን” ለትበህላመ ክምሰል ሰሜቱ ለበዝሕ ሽዑብ ለፈሀመዩ እንዴ ኢገብእ፡ ሰሜት ብዕደት ለለብሰ ዱቅሪ እስትዕማር ክምቱ ረዩም እንዴ ኢጸንሕ ድንገሕ ሰበት ገብእ፡ ለእግል ሕብረት ለአሰተሸህደ ክፋል እንዴ አተርፍ ለልግሄ ወልተዐሰ እቱ ጋር ዲብ ገብእ መጽኦ፡፡ ሳልሳይ፡ ዲብ መጃል እቅትሳድመ ሽዑብ ዲብ መደት ፈደረሽን እግል ድብር፡ ኢረኪብ ሽቅል ወልጁእ አሰክ ድወል አተብዩ ወዐረብ ሰበት ሳይፈ፡ ለሐሰ ወቅት ለልተምኔ እቱ አው ህዩ እግለ ሐልፈ እስትዕማር ኢጣልየ ለልሰርብ ወልትሰፍለል እቱ ቴለልቱ ለገብኦ፡፡ ዝያደት ክሉ፡ እብ ካማሉ ለዲብ ወክድ እዳረት ብሪጣንየ ወመትአምባት ፈደረሽን ለዘቱ እግል ለአዳውር እምቡት ለዐለ ናይ ሲያሰት ወእንሳንየት ሕቁቁ ደርብ ሕድ እት ለሀገጌ ክምሰል ጌሱ ደሚሩ ምነ ንዘም እግል ልህረብ ቀድረ፡፡


እሊ ሽዑብ እሊ እብ እንሸርሐ ለዐልነ ወእብ አዜመ ለንትሃጌ እቡ ናይ ሕበር ወበናቢን ምስዳራት ሲያሰት ምንመ ልሸረሕ፡ ዲብ ሽዑብ ላኪን ሳብት ላቱ ኤረትርየት ወጠንየት ለወሰክ አዋይን እት ለአሰብቅ ጌሱ፡፡

ምር ምነ ብዝሓም እግል ሕብረት ምሰል አተብዩ ናድሎ ለዐለው ናይለ ወክድ ለህይ ሽባን እንዴ ጨቅጠው ልትሃገው እቱ ለዐለው፡ እግለ መርበይ ለህይ ለሐረው ምን ፍቱ አው ታምም አምር አተብዩ እንዴ ኢገብእ፡ ምን እቢ ፋሽየት ኢጣልየ ወፈርህት በራምጅ ተቅሲም ብሪጣንየ ክምሰል ዐላቱ ለልትሃገው፡፡ እብ ተውሳክ፡ እሰላም ፈርህት ዐሚም “ክሰቱናይት”አተብዩ፡ ክሰታን ህዩ ፈርህት ዐሚም “እሰላምየት” ዐረብ ዐለ ልብሎ፡፡ ምሰል እት መደት እስትዕማር ኢጣልየ ለኢዐለ

ተጃርብ ንዳል ሲያሰት፡ እሊ ጥራይ ላቱ ወመትመራማር ለይገብኦ እሉ ሽዑብ ወፈርህት እሊ፡ ሽዑብ ሞዴሕ ወናይ ሕበር ላቱ ፈሀም እብ ሰበት ሀውየቱ እግል ልጠውር ይአተቅደረዩ፡፡ እብ ህግዩ ብዕደት፡ ኤረትርየት ሀውየት ዐለት፡፡ ላኪን እብ ተርጀምካሁ ልትካፈል፡፡

እብ ተውሳክ እምብሊ ዲብ ሰነት 1940ታት ወመትአምባት ፈደረሽን ለትረኣ ሐጨር ተጃርብ ናይ ሕር ሰሓፊት ወፍክር መትባዳል ረኣይ፡ ሽዑብ ዲብ ናይ ሕበር ፈሀም እግል ልብጸሐ ለቀድር ፋዬሕ ናይ ጎማት መርሐለት ይዐለት እሉ፡፡ ደለ መጽኦት ሐለት እንዴ ጨፍለቀት ወአፋሁ እንዴ ለግመት እግል ተአትመቃርሐ ሰበት ሐፊት ህዩ፡ በክት ኢረክቡ፡ እብሊ ሰበብ እሊ፡ አሰክ 1950ታት ሲያሰት ኤረትርየ እብሊ ኢተአመረ መርበይ ትሄርር ዐለት፡፡

ዲብ ሰር ሐምሳታት በገ፡ ተጃርብ ወመላሐዘት ሽዑብ እት ዘይድ ጌሱ፡ ለዲብ ናይ ኖሰክ ወጠን ወቀድየት፡ ሰኣል እንዴ ኢቀርብ እትከ ምን ምር መስተዕምራይ ዲብ ብዕድ መስተዕምራይ መትዐዳይ፡ ናይ ሐሩቀት ወድመል ሽዑብ እግል ልቀቅሰ ላብድ ገብኦ፡፡ ምን



አሴራር ሰላም ሽዑብ አልራቢጠ

ናይ አርብ እስትዕማር ዲብ ናይ አተብዩ ሀገጋይ ህዩ ዝያደት ዲብ እስትንተን አተዩ፡፡

ለክምሰል መመቅረሐት ናይ ቴሌኮሙኒኬሽን፡ ገበይ ባቡር፡ ሚናት ባጽዕ ወዐሱብ፡ መሰነዕ ጩወት ወለመሰሉ “ፈደራል መአሰሳት” ኤረትርየ ለአተው አተብዩንመ፡ እግለ ልትመንቀሽ ለዐለ ሽዑብ ለኬልም ወለመክርህ አግቡይ እንዴ ጸብጠውቶም ለመጽኦው፡፡ መብዘሐም፡ እብ ተዕሊም ልግበእ ወብሰር እዳረት ምነ እብ ኢጣልየን ወእንግሊዝ ለጠወረው ኤረትርየን ለኢለሐይሶ አው ምተሐቶም እት እንቶም እበትወቀለት ማህየት፡ ወቅረዲት ኤረትርየ አተው፡፡ ፈደራል መሰኡልየት አተብዩ እግለ አነናት እግል ምዋጥኒት ቀተረዩ፡፡ እሊ ዔማት ናይ ብዙሕ ሽካዊ ክምሰል ገብእ ህዩ ርእያሙ ህሉ፡፡

እሊ እንዴ ኢከፊ፡ ዲብ እንድራሴ አንዳርጋቸው መሳይን

ወእሲቱ አሚረት ተናኘ ወርቅ ሀይለሰላሴ አሰክለ ደሀረ ናይ ፈደራል ሽቃላይ እብ ደሚር መምባነት ወእስትዕማርቶም ኤረትርየ ለአተው፡፡ ኤረትርየ ዲብ ታሪክ ረእስታት፡ ደገዝማቲታት፡ ከነትብ፡ ዝዘር፡ ሽየም ምንመ ረኤት፡ ለዲብ ከርሰ ዐቤት እቅጣዕየት አክል እሊ ጥውር ወብሹል ይዐለ፡፡ ምኑ ዲቡ፡ ለናይ ቀላቅል ናይ ከነትብ፡ ነታብ፡ ደገልል ወመሻይክ ሽቢ ቀዋኒን ትሩድ እት ረኣሰለ እት ሐንቴሁ ለዐለው ሽዑብ ቀሰብ ዐለ፡፡ እሊመ ዲብ መደት እዳረት ብሪጣንየ እንዴ ትፈንጠረ አሰክ ወክድ ፈደረሽን ሰኒ ወአማን እግል ለሀገጌ ቀድረ፡፡ ናይ ከበሰ ጽንዒት ምን እሊ ልትፈንቴ፡፡ መብዝሐ ለሽዑብ ናይ ንዘም ዲሰ አው ጽልሚ ለወርሰ እት ገብእ፡ እብ ሽክል ጉልቲ ገብእ ለዐላቱ፡፡ ብዕድ ዋጅባት መጅብ ይዐለ እሉ እግል ልትበህል ቀድረ፡፡ እግል መሰል ኢክምሰል ቀላቅል፡ ዲብ ከበሰ እግል ጉልተንየ እብ ነሐርክ እግል ትክደም ለቀሰብ ቃትን ይዐለ፡፡ እብ ለመድ ላኪን ገሌ ክድመት እግል ትትህየብ ትቀድር፡፡ እሊመ እት ወክድ ኢጣልየ ወእንግሊዝ ሰበት ተርፈ አው ሰበት ነቅሰ አሰክ መደት



አቡነ ወልደአብ ወ/ማርያም

ዐለ፡ ሰብ ሰልጠት አተብዩ ዲብ ኤረትርየ መጽኦ እት ህለው፡ እሊ ደሚር እሊ እንዴ ጸብጠው እሉ እግል ለሐዋጦቶም ለመጽኦው፡፡ እብ ህግዩ ብዕደት እብ ቀራር ምጅልሰ ቅራን እንዴ ኢገብኦ፡ እብ ሐለቶም፡ እብ ዐሰከርያይ ዐውቱ ክምሰል ሚልከት ክም አተው ዲብ ልሰመምቶም ለመጽኦው፡፡

እሊ ህዩ፡ ዲብሊ ለአትመቃርሐም መካትብ ሌጠ እንዴ ኢገብኦ፡ ዲብ ክሉ ሽዑብያይ አነናትመ እግል ለርኡም ግረ ይሐረግረገው፡፡ እግል መሰል አምዕል ሐቱ፡ ዲብሊ ሰብ ሰልጠት ሕኩመት ኤረትርየ ለልጀመዖ እቱ እብ ሰሜት ናዲ ዙባጥ (Officer's Club) ለልትበህል ናይ ዮም ናዲ ደንደን፡ ዙባጥ ጄሽ አተብዩ አተውከ እብ ሰተይ ክምሰል ሐፍነው እግል ኤረትርየ ወኤረትርየን ለልትቀናጭብ ህግዩ አሰመዐው፡፡ እብሊ፡ ምሰል ዲቡ ለዐለው ኤረትርየን አክይ መቅርሕ ከልቀው፡፡ ዲብ ቅስም ሕሰር ቀበት ዐድ ሕኩመት ኤረትርየ ናይብ ዳይፊክተር ለዐለ ኪዳኔ ከሕሳይ፡ እግለ ልዛበጦ ለዐለው ዙባጥ ሰበት ጸበጠ ፍንጌር ትከለቀ፡፡ ግረ እሊ ዙባጥ አተብዩ - ጄሽ ልግበኦ ወብዕዳም - ጃላብ እግል ልትመነዖ ምኑ መሰኡሊን ናዲ፡ “አንፋር ሌጠ” ለልብል ክቱብ ክምሰል አልጠአው ተቃረር ሲኣይዲ ሐበረው፡፡


ሽዑብ መትፈዋቅ አተብዩን ሰብ ሰልጠት እት ረኣሰ ኤረትርየን ተንጃታቶም እብ ዓኒ ለትገበሰ ክምሰል ዐለ ለተአፍህም ሐቱ እብ ምር አተብያይ ለተሓኬት ሓድሰት መትናዋል ሴድያይቱ፡፡ ጌታቸው በቀሌ ለልትበህል፡ ዲብ ብሪጣንየ እብ ሀንደሰት ለደሐረ ዳርሱ፡ ዲብ ሰነት 1952 ዲብ ሚነት ባጽዕ ክምሰል ሴድያይ መሀንድሰ ትየመመ፡፡ “ሕብረት እብ ድግማን ናይለ ክፈል ደውለት (Province) ዲብ ዋልዳይተ (አተብዩ) ጃላብ እግል ልሰበት፡ ዳርሳም ሽባን አሰክ ኤረትርየ የመዋት ለትሐዜ ዐለ...” ቤለ ዲብ መእተዩ ክቱቡ፡፡

ልተላሌ

እት ሰፍሐት ሕብርበሮ ዲብ ጠዓሞ እሊ ጦግ እሊ ቃርኣሙ ሀሌኩም፡ “ሰነት ኬር ወበርኩት ሐዜክ ምን ጉብኤ፡ እክል ሕረሰ፡ ዐሰር ሰነት ናይ ኬር ወበርኩት ሐዜክ ምን ጉብኤ፡ ዕጩይ ሕረሰ፡ አምኣት ሰፍታት ናይ ኬር ወበርኩት ሐዜክ ምን ጉብኤ ህዩ፡ አዳም ሕረሰ፡” አዳም እግል ትሕረሰ ወተአፍሬ ውቀት ረዶም፡ ተዕበት ብዝሕት፡ ሱብር ዐባይ ወሚዛንዩት ትርድት ጠልብ፡ እት ሒን ወክልኣት ሒን ፍሬ እግል ተኣቲ እንዴ ኢትሸፍግ አዳም እግል ተኣዳብር ሐቆ ከደምክ ላኪን፡ ለዐድ ዲመ አዳመ ጽሩይ ወዑ፡ ካብረት፡ ትኪት ዲብ ኖሰ ወመሰከብ ደሐን እግል ትግበእ ለሀለ እለ በክት ዐቢቲ፡ ምን መኣሰሳት ሕኩመት ሐቲ ምነ እሊ ጸር አዳበሮት አዳም ራፍዓት ላተን ውዛራት ውዛረት ዓፍዩትተ፡ ለውዛረት ራፍዐቲ ለሀሌት ብትር(ልእኩተ)፡ ዓፍዩት ለለዐቅብ ወለለአዳብር፡ ምን ሕማማት ለዳፌዕ ወለሳፊ፡ ምስክነ ወመዳመዕ ለሰም ርሐም እግል ልቅደሮ ተእሂል ለለሀይብ፡ ታመት ውበቅዕት ክድመት ዓፍዩት እንዴ ተሀይብ፡ ሽዑብ ኤረትርዩ ሰን ወሰላመት ገርብ፡ ዐቅል ወእጅትማዕዩት ክም ረኩብ አከዶት ተ፡

እሊ ሀዩ እግል እተ እሊ ትወዴ ሀሌት ጅህድ እግል ልትፈረግ ለቀድርቲ፡ አዳመ እብ አዳም እግል ልሰኔ ሰበትብ እግል ሽዑብ ለከድሞ ምኡምረት እት ተዓቢ ገቢል ኖሱ መንበ ዓፍዩቲ እግል ልግበእ ሀዩ ፈዛዐት ክሉ ገቢል እግል ትወቅል ትከድም ሀሌት፡ ክምሰልሁመ መንበሮ ዑፊት እግል ክሉ ሽዐበ እግል ተኣድምን ሀዩ ብንዩት ተሕትዩት ተኣፈዬሕ፡ አዳመ ትጠውር፡ ለልትሐዜ ምህም አድወዩት እንዴ ፈረገት ክም ለሀሌ ትወዴ፡ መትሻቀዩ ሕክምነ ተኣዳሌ ወበራምጅ እንዴ ረተበት ለሀሌት ክድመት ክሉ ክም ረክብ ትጸገም፡ ክምሰልሁመ ለክድመት ከፎ ትገይሰ ክም ሀሌት ዲብ ታቤዕ ወትጌምም ሸቅለ ዲብ ሰፊ እግል ሊጊሰ ትጀሀድ፡

ሕኩመት ኤረትርዩ(ውዛረት ዓፍዩት) ዲብ ክድመት ዓፍዩት ለጸብጠተ ሲዮሰት(ዐገል) ለትሳወ እግል ክሉ ለልትወጀድ፡ ታምም፡ መጅተመዕ ኖሱ ለሻርክ እቲ ብዙሕ አቅሳም ሕኩመት ለሻርክ እቲ፡ ናይ ዐለም ወወጠን መኣሰሳት



ፎዝቅ፡ ፎዝቅ አዳምቲ




ግዴተን ለወደዮ እቲ ክዳማት ነዘሞት ቲ፡

ክል መዋዋን እት ዐድ ለሀሌት ክድመት ዓፍዩት እግል ልርኩብ ሀዩ ለዐበ ጸር ዐውል ክድመት እት መቅጠነ እንዴ ትሆገሉቲ፡ ሽዑብ ክድመት ዓፍዩት እግል ልርኩብ ምን ጂቡ ለለፈግሩ ማል ለልውሕድ እብ፡ ለኢቀድርመ እብ ለሀ እግል ልትዳዌ ለቀድር እቡ አግቡደብ፡ ለይዐለ ክዳማት እብ ዶልዶሉ ክም ልትኣቲ ትወዴ ሀሌት፡

ኤረትርዩ እስትቅላለ እብለ እዴህ ክም ነስኣቲ ላመ ደውለት እግል ትግበእ ለወደዮ መኣሰሳት ምን ኢለዐሌ፡ እብለ እዴህ ኖሰ እግል ትብንዩቲ ለዐለት እለ፡ ክድመት ዓፍዩት ዲብ ኤረትርዩ ክምለ ብዕድ ቲለል ናይለ ዐድ ህድግ የዐለ እሊ

16 እስብዳልዩት፡ 5መርከዝ ዓፍዩት፡ 73 ዕደደት ዐለዩ እለ፡ ሕኩመት ኤረትርዩ ምስለ እለ በልሰት ረብረብ ለተርፈ ደውለት ዲብ ልትረኡ ለአግዴቲ ሸቅል ለለሐብንቲ፡ ዲብ ቀበት ርቡዕ ዘበን(2016) ለጸንሐዩ መኣሰሳት ዓፍዩት እብ ዕጽፋት እንዴ ወሰከ 29 እስብዳልዩት፡ 56 መርከዝ ዓፍዩት፡ ወ269 ዕደደት ለብእተ ደውለት ጋብኣት ሀሌት፡ ታምም ወግቂዕ ክዳማት የሙ ምንመ ኢሀሌት ምስል ዲብ እስትቅላል ባካት ሰርዘበን እሙዱዳት ለጸንሐዩህ ሐዋተ ዶል ትቃረን ላተ ገበይ ረዶም ቅድምት ምንን ሀሌት፡ ለሰልፍ ትነሰኣ ሕርዶን ለክድመት እብ ሀሌት መቅደረት አዳም፡ ማል ወንዋዶት እት ክሉ ባካት ወጀዶትቲ፡ እብ ፈድል እለ



ምን ልትበሀልመ ሐሰት ኢኮን፡ ዲብ 1974 እደማት ለደርግ ዲብ ሰልጠት መጽአዩ፡ እት ክለ ለወጠን 17 እስብዳልዩት፡ 24 መርከዝ ዓፍዩት ወ127 ዕደደት ዐለዩ፡ እት እዳረት ደርግ ላመ ዐለት ሐዋኒተ እንዴ ከፊት እት 1991 ሰነት ለወጠን ምን ነክክ እስትዕማር ለትባለሐታተ

መትመዳድ ሐቆ ሕርዩት ምን 1991 አሰክ 2016 ዲብለ ሀሌት መደት 10 ኪሎሜተር እንዴ ሄረረ ክድመት ለረክብ ሽዑብ ምን 40% ዲብ 78% ትወቀለ፡ ዝዶድ 60% ሀዩ ምን 5 ኪሎሜተር ለኢትረይም ገበይ እንዴ ሄረረ ክድመ ዓፍዩት ረክብ ሀለ፡ መዋመጥሩ ሀዩ እግል እሊ መኣሰሳት ለተኣሸቂ መቅደረት አዳም እግል ተሀሌ ደሩሪ ሰበት ጉብኣ ሱብ ምህነት ዓፍዩት ለጸንሐው ደረጃቶም እግል ትወቅል ለትፈናተ ሐሜይር ደውራት ወርቲብ ደረጃት አካዳምዮት ተሀየበው፡ እት አሰመረ ሌጠ እብ ዕልብ ሐድ ልትሀየብ ለዐለ ተእሂል ሴድዩት ነርሱ ዲብ ግንደዕ፡ ባርንቲ ወመንደፈረ ትከሰተ፡ ለሸባብ እት ረኣኣሰለ እብ ነዘር ለነሰእዉ ምህር ዲብ ሰለሰ ለኣቃሊም ለሀለዩ እስብዳልዩት መርጀዕዩት ዲብን እብ ዐመል ዲብ ልትመሀር ብዝሓም


ሴድዩት ነርሰ እንዴ ፈረው ለመኣሰሳት እብ ብዝሐ ውነዕዩት አዳሙ ዲብ ለሐይሰ ገይሰ ሀለ፡ ለትፈናተ መጃላት ዓፍዩት ነርሰታት እብ ዲፕሎመ ወዲግራ ደካትራ፡ ዓልመት አድወዩት(ፋርማሲሰትሰ)፡ ሱብ ምህነት እሻዐት፡ መዓምል (ላቦራቶሪ)፡ ምኡምረት ዓፍዩት ገቢል . . . እንዴ ዐደድክ ለኢትክልሶ ምህናት ዓፍዩት ለነሱእ ሸባብ በዝሐው ወላመ ክድመት እተ ክምሰልሁ፡ እብ ልተላሌ ለሀለ በርናመጅ አፍረዮት ምኡምረት



ዓፍዩት ዲብ ኤረትርዩ ዎሮ ሸቃላይ ዓፍዩት እግል ዝዶድ አልፍ አዳም ክድመት ለሀይብ ሀለ፡ እሊ ሐድ እግል ልምሰል ምንመ ቀድር ምስለ ዕምር እስትቅላለ ወለጸብጠቲ ርዝቅ ዶል ልትረኡ ምን ክምሰልህ ተሐይሰ ድኢኮን ኢተሕምቅ፡ እብ ደረጃት አፍሪቀ ምን እንረኡ ምን ወተሐት 13 ደውለት ሀለዩ፡

ለትጠወረ ወለተሐባለክ ክዳማት ዓፍዩት እግል ትሀብ ለትቀድር ዲብ ደረጃት እብ ምልሃዩ እግል ትብጸሐ ትጸገም ምንመ ሀሌት ለኣሳሲ ደሐን ወሀለዮት ለለኣደምን ክዳማት ላተ ማደቲ ምን ሀሌት እትለ ለበዝሐ ክፍለት ናይለ ገቢል ላቶም እማት ወኣጀኒት እብ ወዴት ክድመት እት ሐዮት ወክቢር ሰኔ ናይ እሉም ታክዶት ወጠን ለትረክበ ሰርገል ቀለል ኢኮን፡ እት ኤረትርዩ ምን እብ ሕደዮም ለልትወለዶ አልፍ ጅነ ሰነት እንዴ ኢለኣደውሮ መይቶ ለዐለው በዲር ለዐለት ወኣዜ ለሀሌት ምን ልትረኡ ዲብ 1990 93/1000 ለዐለ ዲብ 2016 33/1000 ጉብኤ፡ ናይለ ምን ተሐት ሐምስ ሰነት አጀኒት ሀዩ ምን 151 ዲብ 44 በህለት እብ 71 ምኡታይት ትክረ፡ ናይ ዓሉቅ ሀዩ ምን 33 ዲብ 18 ትክረ በህለት እብ 45 ምኡታይት ትደሀረ፡ ዲብ እሊ ሰርገል እሊ ዶር ለለሀሌ ዐዋምል ብዙሕ ምንመ ጉብኣ ተረት ዐባይ ለለኣገዴ ትሉሉይ ለኢለትካርም ዎሮ ጅነ ክም ኢተርፍ ለልትጸገም በርናመጅ ክታበት ቲ፡ ዲብ ኤረትርዩ 98 ምኡታይት ምን አጀኒትነ ምን ብዙሕ ሕማማት ለዳፌዕ እሉም አጀናሰ ክታበት ረክቦ፡ ብዝሐሁመ ምነ ሰሰ ለኣሳሲም ዶልክ ዲብ ልትወሰክ ዮም አጀኒት ኤረትርዩ ሰነት እንዴ ኢለኣደውሮ

ምን 10 ለበዜሕ የም አለቡ ሕማማት ለልትዳገን ምኖም ክታበት ነሰኡ፡ ህቲ ምን ትረክበ ሀዩ አጀኒት ሸልል ወለኣመሰክን ለነብረ ፖልዮ ምን ኤረትርዩ ሰርተ፡ ዓሉቅ እት እንቶም ነሰኣም ለዐለ ሊጋም አንክክ (ቴታኑሰ)መ በደ፡ ዕንታት ተዓውር ውበዕድ ምስክነ ተሐድግ ለነብረት ኒፎመ ዲብ መራቀብት አቲት፡ አጀኒት ብዙሕ ነሰኣ ለዐለ መእረር ሽነብኣ(አብሊጋግ)፡ ረክሰ ዐረም ሐገን፡ ሰፊር/ሄፓታይትሱ ፍጋር . . . ክሉ እሊ ሸሩ እብ ክታበት ምን ትክረዐ ሐዮት አጀኒት ደማን ረክበት፡ እግል ልዕበው በክት ረክበው ሌጠ እንዴ



ኢጉብኤ፡ እብ ዓፍዩቶም ለዐቡ ሰበት ሀለው ዕጽማም፡ ፋዝግም ወፋህማም እግል ልጉብኡ ሰበት ሰድዮም ነዕዩት ናይለ ለዐቤ አዳምናመ እት ለሐይሰ እግል ሊጊሰ በክት ራክኩብ ሀለ፡

ደሐን እማትመ ምነ ዕለት ሰኔ ወአማን ሓይሰት ሀሌት፡ 1990 ክም መገበሲ መቅዩሰ ትነሰኣት ምን ጉብኤ፡ ለዱር ለሀይ እብ ሰብብ ውላድ ወውልደት መይተ ለዐለዩ እማት 1590 ምን ምኡት አልፍ ገበኣ ዐለዩ፡ እሊ ዐደድ እሊ ዲብ 2016 እብ 70ምኡታይት እንዴ ነቅሰ ዲብ 485 ምን ምኡት አልፍ ትክረ፡ ሐቲ እም ዕልብ ገቢል ዲብ ተኣዘይድ ምን ዕልብ እግል ትንቀሰ ዋጅብ ኢኮን፡ እብ ሰብብ ውላድ ለትመጽእ ሞትመ እግል ትክረዕ ለትቀድርቲ፡ ምናተ ክድመት ተሐዜ፡ እሊ ኣዜ ባጽሐቲ ለሀሌት መትሀዋንመ እት ክል መኣሰሰት ዓፍዩት ክድመት መራዐዩት ዐመሲ ትትሀየብ ምንጉብኣት፡ ለእም ወለጅናህ እትማ ሓላት ክም ሀለው እንዴ ትደለው ፍንቲት ሰዳዩት ለተሐዜ እም ምን ጽባብሐ ትፈረግ ምን ሀሌትቲ፡ ሞት እማት ምን እለ ለሀሌተ ሰኔ እግል ትውሐድ ጉብኣት ምንጉብኣ ክል ዐምሳት ዲብ ሕክምነ እግል ቲለድ በ፡ ቀደም ውልደት እት ዕደደት ገይሰ እንዴ ጸንሐዩ እት ቤተን ለወልደ ለበዝሐዩ ሀለዩ፡ ለዲብ ዕደደት ወልደ 59% ሌጣትን፡ ለምን ዕደዳት ረዩም ለሀለዩ እማት እት ዕደደት እግል ልውለደ እት ክል ዕደደት ብሩር መጽንሐ ዐመሲ እንዴ ትዳለ አውረሐተን ክም ሸኣገ ዲቡ እንዴ ሐድረዩ አሰክ ልትፈረጅ ክም ጸነሐ ጉብኣ ለሀለ ሀዩ እም ወውላደ ጀላብ እብ ሰላም እግል ልፍገርቲ፡



ኢሳር

መትረካብ ቅዱም መሻቀዶታት እበን እት አግዳም በሐር ቀየሕ ኤረትሮ

ሓይላም ወሓይላት ቁርአት ጀሪደት ኤረትርየ ሐዳሴ እተ ለሐልፈት ጥብቦትነ 1ይ ክፋል እሊ ክቱብ እሊ ቅዱማም እግልኩም ዐልኪ የም ህይ 2ይ ወናይ ደንገብ ክፈሉ እንዴ ጸበጥነ ማጽኣምኩም ሀሌኪ ቅራኣት በኪትት፡-

ሮበርት ዋንፎር ወመልህያሙ ናይ በዲር ጅንስ ወድ አዳም (Homo sapiens) እግለ እተ ወክድ ለህይ እት ምፍጋር ወግብለት አፍሪቀ ለትርኢት ሓለት ሐፋነት ወአልህሽ እግል ዳፍቶት፡ አስክለ ለሐሰት ሓለት ጀው ለዐለ እግሉ ኦግዳም በሐር ቀይሕ ክም ሰብከው ሸርሖ።


ለልሐትብርም ውቁላም አድብር
ምን አዜ ለህላ አግዳም በሐር
ብዙሐ አምታር እንዴ ትወቀለው
ልትረአው ህለው። ለእቶም ለህላ
ቅዱም አሳር አግዳም በሐር
ቀዩሕ ዕላቀቶም ምስለ ጀረ
ተቅዩር ጀው ወፈሀም መትነፍዖት
ዝሐረት በሐር፡ ቅዱም ጅንስ
አዳም (Homo sapiens) እግል
አመርት ሰዴ።

ሊናይ	በዲር	ጅንስ
አዳም(Homo sapiens)	ሞን	
አፍሪቀ ለትብግሰው እት	ጉብኤ	
ሞን ቀደም 200,000	አስክ	
100,000 ሰኖታት ለጉብኤ		

ወክድ እቱ አሰክ ብዕድ ክፋላት

በሐር ቀዩሕ ኤራትርዮ ለትረከበ አሳር ቅዱም መሻቀዶታት እበን ህዩ፡ እትሊ መጃል እሊ ለገብእ መክሐዳታት እቲ ምህመቶም ዐባይተ። እበ አስክ እለ ለህለ መፍሁም፡ መትመራም ራት ፅልም አሳር፡ መትፈንጣር ወድ አዳም እት አግዳም በሐር ቀዩሕ ለመሰል መሳእል እሊ እግል ልባልሕ ብሐሳት እግል ልግበእ ጠበዒቲ።

ለህሊ መትወቃል እድገያዬት
ጠፋሐት በሐር ምስለ ቀደም
125,000 ሰኞታት ለትረካ
መትብዳዳል ሓለት ጀው ለወልደዩ
አሕዳሰ ለልትሻበህ እት ገብእ፤
ብዞት አሳር ናይለ ወክድ ለሀይ



አካናት ቅዱም አሳር ዑብዱር እት ከሪጠት

ለመትብዳዳል ሓለት ጀው ለትረክ እቱ አዝቡን በረድ፡ እት ብዙሕ ድዋራት ዐለም ሐፋነት ትርድት ወክልሀሽ ለትረክ እቱ ስኒን እት እንቶም ውሑቃም ቶም። እብ አሳስ እሊ ህይ፡ ክም ረድ ፍዕል ናይ እሊ ወክድ ሐፋነት ድቅብት፡ ክም ሐሪሽ ለመሰል ሔዋናት አስክ ቅብለት ዮርክሻርየም(ብሪጣንያ) ሰኩ ክም ዐለው ልትአመር። ቅዱም ጅንስ አዜ ለህላ ወድ ኡዳም በህለት ተለክ (Homo sapiens) ምን አፍሪቀ እት ብዕድ ክፋላት ዐለም እግል ለአስሐብብ ክም ቀድረ ልትሸረሑ። እለ መርሐለት እለ እግል ሰልፍ ወክደ መትወቃል እድንያይት ጠፋሐት በሐር (Global sea-levels) ለትአሰሰት እተ ወምን እንባተት ሐቂቅ በረድ ዝዚፍ ለትክለቀ ውሒዝ እቡ ማያይ ክፈል እግል ልወሰክ ለቀድረ እቱ ወክድ ቱ። እሊ ሰበት ገብእ ህይ፡ ናይለ ወክድ ለህይ አግዳም በሐር

ዐለም ከም ኣማደደው ልትሀደግ።
እሊ ታርፌ ቅዱም ወድ ኣዳም
እግል ከዋ ምድር ሲናይ(Sinai
Peninsula) እንዴ ትጎፊዐ ምን
ኣፍሪቀ ኣስክ ምውዳቅ ጸሓይ
ቃረት ኣስየ ወክፋላት ኣርበ እንዴ
ተዐደ፡ ለቀደሞም ዐለ ጅንስ ኣዳም
ከም በደለው፡ ኣስክ እሊ ወክድ
ቅሩብ ለዐለ መክሐደ እት መጃል
ዕልም ኣሳር ወመትመራማር እት
ኣስሐበቦት ቱ፡ ከም መፍሁም
ንሱእ ለዐለ ፊህም ወመክሐደ
ለመርቤ ቱ።

ከእለ ገብአት ምን ገብእኔ፡
እተ ሐልፈ ቅሩብ ሰኖታት እበ
ትረከበ አሳር፡ ቅዱም ጅንሰ እለ
አዜ ለህለ ታርፌ ወድ አዳም
(Homo sapiens)፡ አግዳም
በሐር ቀየሕ እንዴ ትነፈደ፡ ለበዝሐ
ክፋላት በሐር ቀየሕ፡ግብለት
ዐረብ፡ አሰየ ወምግባይ ምፍጋር
ጸሓይ እግል ልትፈንጠር ከም
ቀድረ ልትሸረሕ፡ እት አግዳም

አግዳም በሐር ቀየሕ እት ሐን ማያይ ክፋል እንዴ ትደፈን ልትረከብ። ክም ቅዱም አካናት አሳር ዑብዱር ለመሰል፡ እት አግዳም በሐር ቀየሕ ወምእታይ ዐረብ፡ህንድ ወገሌ ክፋላት ግብለት አሰየ ለልትረአው ምነ ህሌት ጠፋሐት በሐር አምታር እንዴ ትወቀለው ለልትረአው ቅዱማም አሳር አግዳም በሐር እት ገብአ፡ መትመራማር መትከላቅ ወመትፈንጣር ቅዱም ጅንሰ አዳም (Homo sapiens)፡ እግል ለአትአምሮ ዶሮም ዐቢቱ። እሊ ሰበት ገብአ ህዩ እት አግዳም በሐር ቀየሕ ኤረትርየ ለልትረከብ አሳር፡ ናይ እሊ ምዕራፍ ታሪክ ወድ አዳም እት ዐባይ እድንያይት ሱረት መትበዳዳል ሓለት ጀው ክምሰልሁመ ቲለል መትከላቅ ወመትፈንጣር ቅዱም ጅንሰ አዳም (Homo sapiens)፡ እት ጌማም እንዴ አቲኑ፡ ምህመት አሳሮም እግል ንፍህመ እንቀድር።



አውባለ ወድ መሕሙድ ለልትበህል መንሰዓይ፤ ምን መንሰዕ ዲብ ሐልህል ዓለ ዲብ እንቱ ላለ ዲብ ረአሰ ከሬር ምድር መንሰዕ እብ አበርቅ ዲብ ልተላሞሕ ክምሰል ረአይ፤ ለወክድ ለትወለደ ዲቡ ምድሩ ሰበት ትሰፋለለ ክእነ ዲብ ልብል ሐለ፡-

ምን ረአሰ ከሬርቱ እግል ትህደድ - ሎህ ደብነ ወነበራይ
 ምን ጋዱዴ ወገዱድ - ምን ጅንግላይ ወናላይ
 ምን መፋላቅ ወሸግሊ - ወምን ሸማሸግ ለዕንክላይ
 መቀርቱ ለሐብጥ መርኒነ - ላውሆ ኢኮን ወ ቀጥፋይ
 ወድ ሐፈርም ነብሮ - ቀብሁ አምር ወሰራይ
 ወድ ክንሬሪ ነብሮ - ሓሁ ፈጭል እግል እንዳይ
 ወድ ማርያይ ነብሮ - ለሀይመ ግሁፍቱ ወርዕያይ
 ወድ ሕምሩጋ ነብሮ - ወድቅ ዲቡ ክም ግንዳይ
 ወድ ቤት ዓርባይ ነብሮ - ፍጡርቱ ምስል እብን ወዕጫይ።

ከሬር ሐቆ ተሰፋጭን - በይሐት ትንቁ ወከራይ
ነብር ለፊሬዕ ዐድ ጀጊን - ወነብር ሽመር ወድ አፍታይ
ነብር ወላድ ተሰፋዝኢል - ናግፎ ምኑ እብ ግላይ
ሓርሾይ ወድ ጀጊን - ወነምል በዐል ሐምሳይ።

ለሌተ ለአውለት ተአቅሎ - እት ሐወርም ወእት ምንባይ
አውል ለሰሕል ሰብብ - አፍ ልጋሙ ለአንገህታይ
ወለት ወድ ክፍሉይ በላታ - ወቅጡም ወድ ዘርአይ
አዳግ ሓባል ዔደረት - ማሽል ጋብእ ሆንዘራይ
ሲጋይ ለእት ከም ቡሪ - ዕሬ ምሬቱ ወተካይ
ከባ ከም እት ሾከን - ጸሎሃ ከምሰል ጅንግላይ
ተትነብል አለቡ - ክፋእቱ በለ ወጨብላይ።

ረኣሳ ጸዕዳ ኢኮን - ወኪልተሌ እብ ብላይ
ለምታ ግርዝ ይኣነ - ወእግለ ህለ መንበራይ
ቀርበት ጸውር ይኣነ - ወልትሰናታኣ እግል ወዳይ
ጎማምዛ ዋቂ ሐሌቡ - ወሐሰ ዲብዩ መምዐራይ።

ርዝቅ፡ ርዝቅ አዳምቱ ...

ምን ገጽ 6 ለተላለ


ከምላ ተሀደገ ወዛረት ዓፍዮት ክድመት ዲብ ክሉ ምን ኣትባጽሖት እንዴ
ሐልፊት ኮሳየት ክድመት እት ኣሰፊዮት እበ ትወድዮ ሀሌት ጅህድ እብ እድንያይ
መቃይሰ ለረክቡት ጀዋእዝ ለመትሰባለ እግል ደሐን ኣዓመ ለልሽህድተ። እብ
ለኢትካረም ትሉሊት ክድመት ክታበት ክልኤ ዶል ሽሃደት ራክበትተ። እት
ክድመት ላቦራቶሪ እበ ሀሌት እለ ሰፋየት ሸቅልመ ለክምሰልህ። እት መራቀብት
መደረት ኣድውዮት፡ ወበዕድ ዐለም ለሽህደት እሉ ውቀይ እውቂት ሀሌት።

እብ ሞመት እበ ትትህየብ ለሀሌት ክድመት እም እግል ቲለድ ወተባቤ፡ ለትወለደ እግል ልዕቤ ወልዳብር፡ ወለዐበ እግል ልድዌ ለኢለትካርሞ ለትመቅረሐ ሸቅል እግል ኒዴ ላዝምቲ። ለለዐዴ ሕማማት ዲብ መራቀበት ኣቲ ምን ሀላመ፡ ምስል ወስነት ፅምር ለመጽእ ለኢለዐዴ ሕማማት ክም ከረ ሰከራ፡ ሰረጣን፡ ደቅዋ. . . ጸሩ እት ኩበድ ገይሰ ሰበት ሀሉ፡ ጅነ ቀደም ሕነቲ እንዴ አንበተ ገበይ ዓፍየት እንዴ ጸብጠ ክም ለዐቤ፡ መራዐየት ቀደም ሕነት፡ ተፍቲሽ ዓፍየት አጅኒት፡ ራትዐት ገበይ ሙነት፡ ሐረከት ገርብ ወእሉ መስል ራቴፅ አግቡይ ዓፍየት እግል ልትለመድ አኬመ ሸቅል አፍዝዖት ወመሻረከት ሕበር ደሩሪቲ።

ምስለ ሀሊት ስያቡት ዓፍየት ወእግል ደሐን ገበሎም ለሰቡላም ሰብ ምህነት
ወፋዜዕ ሽዑቡ ሐሊት ማል ወንዋት እንዴ ኢከረዐ ኤረትርዮ በልደት ሽዑብ
ዑፋይ ወዕጹም ዲብ እንተ እግል ትንበርቱ። ለሩእየተ እብ ክድመተ እት
ዛህረት ለትበድል ኦርደት
ሰቡላም ምን ጉበኣት።

Certificate of Achievement
Malaria Microscopy

** እትለ ሰፍሐት
 ለሀላ ሐብሬ ጌማያይ
 ወዘረት ዓፍየት ዶክተር
 ምስማይ ገብርሃውት ዲብ
 ሲምፖዝዩም መሕበር
 ወጠን አዋልድ አንሳት
 ኤረትሮፖ ለቀደመየ ወረቀት
 ምነ ለትነሰላት።



ሸባብ



ሸባብ ምስል ወጠን ወወጠንየት

ከፈፍል እንዴ ካፈልናህ እግል ንርአየ እንቀድር፡፡ ህቱ ህዩ ወጠንዬ ለትብለ ደውለት እሊ እንዴ አቀደምነ ለርኤናሁ አግቡይ ተርቲብ እቡ ለመጸክ ነፈር ዶል ትገብእ፡፡ እብሊ ህዩ ክም ትወለድከ ለትነብር እተ ቤት ኖሰ ለትወዴ እተ ክፈለ ዶል ትረክብ፡፡ እግል ትንበር እተይ ለትረክብ ምነ እግል ሐርሰ ለትገብእ ገርሀት ዶል ተህሌ እግልከ ወዶል ትመይት ህዩ ዳር አማንክ ለትበጼሕ እተ ሕፍረት ዶል ትትህየበክ እተ፡፡ እሊ እግል ቀይሕ ቱ ወእሊመ ህዩ እግል ጸሊም ቱ እንዴ ኢትትበህል ክል መዋዋን እብ ሐቱ ዕን ዶል ልትርኤ እታቱ ወጠንክ ለእብለ ብህልዬ ዐለ ዎሮት 18 ሰነት እንዴ ተዐደ እት ሰልፍ ዕሰራታት ለልትረከብ ደረሳይ ኩልየት ላቱ ሻብ ቀደም 10 ሰነት እተ ናቀሸነ እቱ ወክድ፡፡



እብ ሱሕፌ መሓሪ በላይ እት ሳዋ ለትነሰአት ሱረት

ሰበት ልውዕል እሰባትከ ሚ ቱ እንቤሉ ምንገብእ ለዘበንመ ሰበት ኢከፊኑ፡፡ አባኑ እግል ልግበእ ቀድር፡፡ አነ ላኪን ወጠን ክምሰለ እግል ቤለ ሐቆ ሸርሐየ ለትርኤኒ ጋር፡፡ ለእብ ሕኩመት ኤረትርየ ለፈግረ ቀዋኒን ምስል አንሳይት ለልትጸበዋ ክም ከረ ምልክየት ምድር ሐርሰ ወሰከን እግል አንሳት፡፡ ክምሰልሁመ ለአንሳይት መሳዋተ እንዴ አከደት ሸቦረ እት ወጠን ወወጠንየት ለአዜደ ጋር እንዴ ገብእ ልትርኤኒ” ዶል ትቤ፡፡ እለ ጋሪት እለ አምረ ሰበት ዐልኮ እት ናየ ረአይ እግል እዋፍቅ ቀደርኮ፡፡

እሊ ክሉ ለትህይበክ ወጠን ሐቆ ገብአት፡፡ እብ ክሱሰ እግል ትሕሰብ ወእብ ክሱሰ እግል ትዳግም ወትሻቀል ላዝም ገብእ፡፡ እሊ ሸቦር እሊ ህዩ ወጠንየት ቱ ለገብእ እንዴ እቤ አዜመ አሰክ መሕሙድ ዕቅቡል ዐልኮ፡፡ ህቱ ላኪን ለሰአልዬ እብ ከፎ ክም ፈሀመዩ ምንመ ይእደሌ፡፡ ሰሕቅ እት ወዴ፡፡ “ለምዐኒ ክሉ መጣልብ ሐያትክ ለትህይበክ ወክም ትወለድከ ለትነብርተከ፡፡ እብሊ ህዩ እንዴ ዓቤተክ ወሰኒ ክም ከይድ ለወዴተክ ወጠን እሊ ሌጠ እንዴ ኢከፍየ ክም ትሳርሐክ ምናመ ነዐ ሕልብዬ እንዴ ትቤ እት ኩብደ ለትሐቅፈክ ሐቆ ገብአት፡፡ እብ ክሱሰ እግል ሚ ኢትሻቀል? እለ እም ዐባይ ተ ማሚ መልህይ!” ክም ቤሌኒ ቀደም ክርንቼ እበ ህግያሁ ሰበት ትነከአኮ፡፡ ሐረከት አቤ ወዴኮ እግሉ፡፡

“አተንሴኒ ትቤ ትዕቤመ እብ እንክረ፡፡ “ለምን ወጠን እግል ንርከቡ ለወጅበነ ሕቁቅ እንዴ ፈርቀቀ ምንእነ እስትዕማር ክም ዳገኒ እግሉ እግል ንብለሰ ወእም ክሉ ላተ

ወጠን ምልክ ሰብእ እግል ትግበእ ኢኮን ለሰላሰ ሰነት ተሓረብነ? እሊ ሰኒን እሊ ህዩ ዐውሉ አክል አዩ ክምቱ እት ደሚርከ ክቱብ ለህለ ታሪክ

ቱ፡፡ ግራሁመ እግል ስያደት እለ ወጠን ለትደፍዐ ዐውል ሸባብ ወሻባት ማሌመ ኢበዴ ምንከ፡፡ እሊ ህዩ ክፈለ ምን ወጠን ለመጸት ወጠንየት ሻብ ማሌ ለሀ ወማሌቱ፡፡ እሊ ፍንጌ ሻብ ወሻባት ወፍንጌ ወጠን ወወጠንየት ለህለ መትቃራን እንዴ ኢገብእ፡፡ መትሓባር እት ደም፡፡ ሰገ ወዓጭም ለልክድ እግልካቱ፡፡ ለሻብ ወለ ሻበት ትንፋሰ እት ደፍየ እግል፡፡ ህተ ህዩ ትወልዶም፡፡ ተዓብየም ወእት አክር ሐያቶመ ለትነከበቶም ህታተ፡፡ እሊ እብ ዕንታትክ ለትርእዩ ናይ ክል ዕለት ሐደሰ ቱ፡፡ ህዩ እት እት ልትወራረሰ ለነብር ዳይም ሸቅል ቱ” ዶል ትቤ፡፡ ለእግል እለ ሰነት እለ ዱሊት ለህሌት ሰቅራት ሕርየት ትርኤተኒ፡፡ “ርእየትነ እብ ክድም” ለትብል ሰቅራት በደል እብ ሂገ እብ ፍዕል ለትትርኤ ርእየት ወወራት፡፡

ለደረሰ ወክድ መድረሰቶም ታምም ሰበት ዐለ፡፡ “መልህይ እንተ ተአተምም መስል እትነ ይህሌከ፡፡ አዜ ኢሰዴን ምንከ ምንገብእ ወጠንየት እብ ከፎ ተርድ፡፡ ወእብ ከፎ ምን ጸብኢት ሓሰዳም ንዐቅቤ፡፡ ወጠንየት ሸባብ ወሻባት ማሌ ለሀ ማሌ ወዮም ከፎ ህሌት? ለልብል አሰእለትክ እንዴ እቡ ኢትሸበነ እግል ንህረብ ምንካ ቱ፡፡ ሰበት ቤለውኒ፡፡ ለእት ምክዬ ለዐለ አሰእለት ምንመ ከሸፈው ምንዬ፡፡ ምን አፍካሮም ወረአዮም እግል እጽገብ ሰበት ኢቀደርኮ፡፡ “ከላሰ ደሐንቱ፡፡ ህቱመ ወክድ ሐጊል እግሉ መተአውዶ፡፡ እትለ ሳምን እለ ገግላት እንዴ ቀዋቀልኩም እግል ትጽንሐኒ ቱ በህለት ቱ፡፡” እንዴ እቤሎም ሸቅል ቤቶም እብ ወለት ገበይ እንዴ ሀብኩዎም ቱ ሳርሐኩዎም፡፡

እግል ልርከቦ ለአነብቶ፡፡ እምበሊ እሊመ ምኖም ወጠኖም ለትሐዝዩ ዋጅባት እግል ሊደው ልትጀበር፡፡ ገሌ ምን እሊ ዋጅባት እሊ ህዩ ክድመት ወጠን እግል ሊደው ወእት ዐስከርየት እግል ልትሓበሮ ልትአጀዝ እግሎም፡፡ ከእሊ ናይ ዮም መውዱዕን ሸባብ ወሻባት ምስል ወጠን ወወጠንየት እብ ከፎ ክም ልትቃረኖ እግል ነሐብርህ እቱ እግል ንጀርብ ቱ፡፡

ከወጠን እስዋ ተ? እንዴ እንቤ ዶል ንሰአል፡፡ እብ ለትፈናተ አረእ ወሸሬሕ ሰብ መቅደረት ብዙሕ እግል ልትበህል ምንመ ቀድር፡፡ ወጠን ለእንብሉ ላኪን ለምድር ለእቱ ታርፊክ



“ወልክ ወድ 18 ሰነት ገብእ ምንገብእ ከላሰ ልሰአለክ ምኑ አለቡ፡፡ ኖሱ ርሐ ቃድር ህለ እናሰ ገብእ ማሚ ጣይሐካ ቱ፡፡” ለልብሎ አበውመ ህለው፡፡ እሊ ህዩ ለሻብ ምን ሚርሐት ወእዳረት ዐዱ እት ናይ ኖሱ ሚርሐት ወእዳረት ክምሰል ተዐዳ ቱ ለልሐብረከ፡፡

እሊ ዕምር እሊ ዶል ከይዶ ህዩ ምን ሐቱ ደውለት እግል ልትህየዮም ለቀድር ሕቁቅ ወለደውለት ምኖም ለትሐዝዩ ዋጅባት ለልትባደሎ እተ መርሐለት ባጽሓም ሰበት ህለው፡፡ ለደውለት ለእተ ልትወለዶ ክዳማት እግል ተሀቦም ወዋጅባት እግል ትንሰእ ምኖም ትትቀሰብ፡፡

እሊ ህዩ ምስል ወጠን ለንአጽብጡ ጋርቱ፡፡ እግል መሰል፡፡ እትሊ ዕምር እሊ ለህለው ሻብ ወሻባት፡፡ ጅንሰየት ወጠኖም እግል ለአፍግሮ ልትሰመሕ እግሎም፡፡ ምድር ሰከን እግል ልትህየዮ ክምሰልሁመ እግል ክል መዋዋን ለገብእ ክዳማት

ምን ሰኒን ብዙሕ እንዴ አንበተ የምክን ቀደም 10 ዕቁድ 100 ዕቁድ 200 ዕቁድ ወዝያዳሁ ለጸንሐ እተ፡፡ እብሊ ህዩ እንተ ምን እሊ ሰኒን እሊ እንዴ ትበገሰ ለቅርድክ እብ ሐድ ሐድ እት ገምል ወልትፈረዕ እሊ እንተ ለህሌክ እቱ ፍሮዕ ለህለ ክፈሉ ክም አግዳድ ወቁት እት ሕድ ዶል ልትለዋሌ፡፡ እሊ መዋዋን እሊ መዋዋን እሊ ደውለቱ እግል ትትበህል ቀድር፡፡

ምናተ ቀዋኒን ለትፈናተየ ድወል ለትፈናተ ሰበት ገብእ፡፡ ምን ብዕደት ወጠን እት ቅሩብ ዕቁድ በህለት እት 5 ዕቁድ ለመጸ ቅርድክ ክፈለ ደውለት ለእተ ትነብር ህሌክ እግል ልግበእ ሰበት ልትአጀዝ እግልከ፡፡ ክፈለ እቱ ምን ሰኒን ብዙሕ ለጸንሐክ ክፈል ምጅተመዕ እቱ እንዴ ተሓበርከ መዋዋን እግል ትግበእ እብሊ ህዩ ሐቅ ወዋጅባት ወጠን እግል ትርከብ ልትአጀዝ እግልከ፡፡

እሊ ልግበእ ወሌሂ ወጠን ለትትበህል እት ሰለሰ ዐባዩ

እብ መክበሮ ወጠን ሸባብ ወጀጋሪ ድጽገፎ ለትታይሰ ሰጅሕት

ልግብ ሰራቅ በዐል ብስር

ዎሮት ሰራቅ አስክ አምሪክ እግል ልሳፍር ቀረረ፡ ከዲብ ዎሮት መለሀዩ እንዴ አተሰለ ገሌ ብስር አምሪክ ለልኦቼ እቡ እግል ልርኩብ እሉ ተሰላለዩ። ለመለሀዩ ህዩ ገሌ አውራቅ እንዴ ዘወረ እሉ እብሊ ትምዩን ወሳይቅ አሚሪክ አተ። ለሰራቅ ምነ ሰልፋይት ምዕሉ ለዐድ አተ እተ እንዴ አንበተ ለአዳም መሕፈዘቶም እት አዩ ወእብ ክፎ ክም ከርወ እት ራቅብ አንበተ።

ሰለሰ አምዴላት እት መራቀበት ሐቆ ሓለፈዮን እት ሳልሳይት ምዕሉ መሕፈዘት ዎሮት ዶል ሰርቀ፡ ዎሮት በዐል ጀላለት ወግሩም ለበብሰ ለለብሰ ነፈር ጸብጠዩ።

ከእሊ እናስ ሰራቅ እለ ክም ረክበቱ እብ ድንጋጽ እተ አካኑ ተወው ቤለ። ወእግለ እናስ እት ልትረጁ፡ “አነ እግል እስረቅ ንዩት ይዐለት እግልዩ” ቤለዩ። ወእሊ ለጸብጠዩ ነፈር ፖሊሰ መሰል እቱ ዐለ። ምናተ እሊ ለጸብጠዩ ወድ አምሪክ ነፈር፡ አብሽርከ ኢትፍረህ አናመ

እተ ክምሰሌከ ሰራቅ አነ፡ ወምሰልዩ እግል ትሸቂ ሰበት ሐዜኮከ ለሓለትከ እራቅብ ዐልኮ” ክም ቤለዩ፡ እተ ዶሉ ፈርሐ ወእግለ እናስ ትከበተዩ።

ለወድ አምሪክ ላቱ እናስ ተድሪባት እት ወዴ እሉ አንበተ፡ ወምነ ሓለቱ እግል ልትአከድ እት ገሌ አካናት ማል ተረግ ለአብል እሉ ዐለ። ምናተ እሊ ጋሻይ ላቱ ሰራቅ እግል እሊ መለሀዩ እብ አማነት ታለዩ። ለወድ አምሪክ ሐቆ ሰስ ሸሀር ናይ ተድራብ ለመለሀዩ አሚን ክም ቱ ተማም ክም ተአከደ ምኑ፡ ክምእነ ቤለዩ፡ “ዮም ለሰልፋይ ሸቅልነ እቱ እግል ንትፈረር ቱ” እንዴ ቤለዩ በለሊት ሰኒ ግሩም እንዴ አልበሰዩ ለሰልፋይት ዐመልዩት ስርቆም እግል ለአጅሩ ዲብ ሮሻን ናይ ዎሮት እናስ ሰኒ ታጅር አተው። እበ ምስለ ወድ አምሪክ ለዐለ መፋቱሕ እግል ሮሻን እንዴ ፈትሐው እተ ከዚነት ክሪት እተ ለዐለት ቁርፈት አተው።

ለከዚነት ክም ረክበው

ለአምሪክ እብ ገሌ ገበይ እንዴ ፈትሐዩ እግለ ዐለ ዲብ ማል ክሉ እንዴ አፍገረዩ ዲብ ዎሮት ክርሲ ትገሰ ወእግለ ጋሻይ ሰራቅ የለ ውረግ ኩሽቴነት አምጽእ እግልነ ቤለዩ...!

ልሰራቅ ለጋሻይ እለ ክም ሰምዐ እት ልትፈከር፡ “አወል አዜዲ እሊ እሊ ሳርቃሙ ህሌነ ማል እንዴ ረፈዕነ ንህረብ እግልነ፡ ወኩሽቴነት ህዩ ሐር እት ቤትነ ንተልሀዩ” ቤለዩ። ለአምሪክ ህዩ ሓርቅ እት እንቱ ርኢስከ ሰበት አነ፡ ለእለ እብለከ ህሌኮ ሌጠ ውዴ፡ አዲግ እንዴ ሸፈግከ ውረግለ ኩሽቴነት እቡ ምጸእ ህግዩ ኢቲዴ ምስልዩ ቤለዩ። እሊ ጋሻይ ሰራቅ ጌሰ ወለኩሽቴነት ክም አምጸአዩ እተ ከራሲሆም ትገሰው ወእት ልተልሀው አንበተው። ለአምሪክ አዜመ እግለ ጋሻይ ሰራቅ ሙሰጀል ክርን እንዴ ወቀልከ ፍትሐ ወከምረት ወሰለሰ ክባዩት (ካሰ) አምጽእ እግልነ ቤለዩ።

ለእናስ አዜመ ጌሰ ወከምረት ወሰለሰ ክባዩት

አምጸአ ወእግለ መሰጀል ክርን እንዴ ወቀለ እቱ ፈትሐዩ። ምናተ ኩብዱ ላተ ሳክበት ይዐለት ወምሰል ርሐ እምበል ሸክ እግል ንትጸበጥ ቱ ልብል ዐለ። ህቱ እብላሁ ዲብ እሊ ሕሳባቱ እት እንቱ በዐለ ሮሻን እት እዴህ መሰደሰ ጸብጥ እት እንቱ ጠበሽ ቤለዮም።

“እንቱም ሰረቂት፡ ሚ ትወዱ ህሌኩም!” ቤለዮም። ምናተ ለወድ አምሪክ ደሐንቱ ከበርመ ኢተአምጽእ እሉ ኩሽቴነትከ ሌጠ ተልሄ ቤለዩ። ወእብላህም ኩሽቴነቶም እት ልተልሀው አተላለው ወበዐለ ሮሻን ህዩ ተለፎን እንዴ ወደ ፖሊሰ ትላክ እቶም። ለፖሊሰ ዶል መጸው በዐለ ሮሻን እሉም እግሎም ትርኡ ህሌኩም ሐራምያት ቶም። እት ቤትዩ እንዴ አተው ከዝነትዩ ሰርቀው ወእተ ለዐለ ማል ዛምታም ህለው፡ ወለእሉ ዘምተው ማል እሊ እተ ቀደሚሆም ቱ ቤለዮም።

ለአምሪክ እለ ክም ሰምዐ አስክለ ፖሊሰ እንዴ ትወለቡ፡ እሊ እናስ ለሐሴ ህለ፡ ህቱ ቅማር እግል ንተልሄ ምስሉ ኖሱ ትላኬነ፡ ወተልሄነ ምስሉ ከተዐወትነ እቱ ከቀለብናሁ፡ ህቱ ህዩ ለማሉ ክም ከሰረዩ

መሰደሱ አፍገረ ከማልዩ ብለሶ እትዩ አውመ ፖሊሰ እንዴ ትላኬኮ እትኩም ሐራምያት ቶም እንዴ እቤሎም እግል አጽብጠኩም ቱ እት ልብል አትፋርሄነ።

ለፖሊሰ ምን አቅመተው ሰለሰ ክባዩት ከምረት ወለ ማል እተ ጠረቢዘት ክሩያም እት እንቶም፡ ወሙሲቀት ጨጭ እት ትብል ወህቶም እምበል ሕስር እት ልተልሀው ረአዮም። ዛብጥለ ፖሊሰ እሊ ተዩልል እሊ ክም ርኢ ለእናስ ለሐሴ ህለ ሰበት መሰለዩ፡ “ስመዕ እሰልፍ ቅማር ትተልሄ ወሐር ክም ከሰርከ እብነ ተአተሰል፡ እለ ውዴትከ ሐቆ እለ ደገምካህ ምን ገብእ እመን ምነ እት ሰጅን እግል እልከፈከ” ቤለዩ። ወእግለ ጠሩ የለ እግልነ እንዴ ቤለዮም እግል ሊጊሶ ዶል ሐዘው፡ ለወድ አምሪክ ላቱ ሰራቅ እንዴ አብጠረዩ፡ መንባነ እትለ ሐደግከነ ከጊሰከ ምን ገብእ፡ ምን አመረ እሊ እናስ የምክን ቃትለነ፡ እዜ ሕነ ሚ ንውዴ ቤለዩ። ለዛብጥ ህዩ ከእለ ምን ገብእ የለ እዜ ቀደሚነ ፍገሮ ቤለዮም ወለማል እብ ሸሃደት ናይለ ፖሊሰ እግሎም ተርፈ ልትበህል።

አሸዶር ነፈር ፋሽል

እሊ ነፈር እሊ፡

- እብ ሐሰት ልትጋለድ፡
- ለጋራት ሕፊት ጋብሆም ማን ወገሉብ ለአትዋልጥ ምኖም።
- ዕዉታም ላቶም ለአቤ ወተወክ ለረክብ እበ እቶም ሌጠ ለአትቃምት።
- እተ አግደ ጋራት ምግባዮም ሕሉል ልትከበት፡ ወእተ ቀለላም ላቶም ጋራት ወመጋብህት ለኢለአስታህሉ አሰክ ደንገበ ልትባጠረከ።
- እምበለ ጨቢብ ድዋራት ለሸቅሉ፡ ብዕደት እብ ሐቱመ ኢልትአየሰ።
- እግል ኢልንጀሕ ምነ እብ ነፍሱ ለህለ እሉ አከይ ደማን ፈርህ።
- ምኑ ለለሐምቆ የም አለም ክም ህለው ለሀድግ ወእብሊ ልትፋወሽ።
- ሕፊት እብ መባጥሩ ወመዋቅፋ፡ ጀላብ ርሐ ሌጠ እንዴ ቤላቱ ለፈተ ብዕዳም እግል ልክሰብ ለሐዜ። ወክም ዐውል ናይ እሊ ገሌ ቅብብ እግል ለአስተሕምል እስትዕዳድ ቡ።
- ለልትርኤ ምኑ ዐገብ ክም እሊ እት ልብል ነክሩ፡ እለ ቀልጠትሼ ኢኮን።
- ለዕተዝር ወነፍሱ ለቀልጣቱ ምን ሐዲስ ደግመ።
- ህኩይ ቱ ወወቅቱመ በላሽ ለአበድዩ።
- እብ ክልኤ ሸፋግ ሌጠ ልትሐረክ፡ ለሐቱ ዕይን ሸፋግ ትገብእ እት ህሌት፡ ለሐቱ ህዩ ምን ቅያሰ ወለዐል ባርደት ተ።
- ዐገል አለቡ፡ ህቱ አው እት እዴ ብዕዳም ሌጠ ገብእ፡ አውመ ህዩ ክል ዶል እበ ህቱ ለልብለ ሌጠ ገይሰ።
- እግለ ጋራት ገላብሮም ወኢገበዮም ነድኦም።
- ክል-ዶል እግል ህግዩ ሌጠ ልትባደር።
- ፋሌ፡ ወክል ዶል ሰከቱ ሐቱተ.. ለህ ኢበድል ወለህ.. በህለት ሮቲናይ ቱ።

መዕሉመት

- አንድብ ዐንጻይ ጡል-ዕምሩ ምን ወሰኮት እት ዕቢነ ኢበጥር። ከእብሊ ሰብብ ቱ እግለ እት ቀደሚሁ ረክበዩ ቀፋቅፍ፡ ወእብሊ ሰብብ እሊ ህዩ ለአንድብ ምን ቅያሰ ወለዐል እንዴ ሬመ ምሽክለት እግል ኢልግበእ እቱ እንዴ ቤላቱ።

በህል እመራም

- “ትም ክል ዶል ዕላመት ረደ ኢኮን። ሐት-ሐቱ ዶል ሕነ ምነ ተፍሲራት ክም ተዐብነ ተአከድ።” (ቀሳን ከንፋኒ)
- “ምነ ዐበው አሰራር ዐውቲ፡ እለ እዲነ እምበል ሕላሌ ዶል ተአተላልያ ቱ።” (አልበርት ሸፋይትዘር)
- “ለናይ አማን ወሰፍ ናይለ ራትዐት ገበይ፡ ዘዐት ምናሰበት እት አካን ምናሰበት በህለት ቱ።” (ዮናታን ሰዌፍት)

ጣዓም

ሲልሻቶር ኮራቶ ለልትበህል ወድ አምሪክ ላቱ ምልዮኔር፡ እብ ግውኑይ አደብ ወጠባዬዕ ልትአመር ነብረ። ከምነ አከይለ አደቡ ወለመዋዲቱ፡ ህቱ ምድር ላሊ ክም ገብእ ወኡዳም ክም ትሳከበ እተ ቀደምለ ደካኪን ወለመጣዕም ሸን ከደኑ ፈግር ዐለ። ወእሊ አከይ መዋዲት እብለ ገበይ እለ ለአተላልዩ እንዴ ህለ፡ ሐቱ ምዕል ዎሮት ምነ ሱብለ መጣዕም፡ ሕብዕት ካሚረት ሰበት ከረ እሉ፡ እብለ ገበይ እለ አከይለ መዋዲቱ እግል ልትአመር ቀድረ።

ምን አምሳል ገባይል

- እት አከር አው መትፈዳይ ተረት ለህሌት ለዘት ምን ሐቱ ሳዐቲት ኢተሐልፍ፡ ምናተ እት ዐፎ ለልትረከብ ጠምጠም እግል ዲመ ደማይን ነብር። (እስባንዩን)
- ማል አሰክመ ህለ ፈታመ ህሌት። (ፈረንሳዩን)

ተበሰም

ዎሮት ነፈር ምን ሸቅል ዶል ዔረ፡ እግል ዕድሉ እብ ክርባጅ አስክ ገርቦም ጸሌዕ ከራብጀዮም። ግዋራሁ ለመውዲሆም ሰምዐው ከራድኦት እት እንቶም ክም መጸው፡ “መለሀይ ደሓንነቱ፤ ሚጀራት እትክፍ ለዐድ አፎ ዛብጥካሆም፤” ምን ቤለው፡ “ትርእዎም ይህሌኩም፡ ክልኦት እት እንቶም ሰለሰ መርወሐት ወለዐው” ቤለዮም።

በህል በህል

- እትለ እዲነ እሰልፍ እብ ጀርቤ ተሐልፍ፡ ሐቆሃቱ ለአምር ትረክብ፡ ከሰኒ ትዳሌ እለ።
- ሰእዩት እግለ እብ ሰብብ ሐዘን ለልትከፍከፍ አናቤዕ ተሀውኑ።
- እዲናከ ዲመ ደማይን እግል ትንበር እተ ክምቱ ክደመ፡ ወአክረት ፈጅር ቅርብት እግል ተአግዌሕ እተ ክምቱ ክደመ።
- ግርመት ፈዲለት ተሐግል ትገብእ፡ ምናተ ፈዲለት ላተ ክለ ረእሰ ግርመት ኢተሐግል።

ዝበድ ዘየታት

ክሎም እት ድዋርከ ለህለው አንፋር ለፈቱክ ወለ ምን መሰሎ እትካመ፡ ክል ዶል ዎሮቶም እግል ልደርከከ፡ ለሳዐት ለእንተ እትለ ረኢሰለ ሀፌብ ትበጥር እተ እለ ልትጸበር ህለ።

ሲያሰት-ሒለት ወለት-ወልደ ደማር

መሐመድጅምፅ መ/ዑመር

ቀደም 20 ሰነት፡ “ሐርብ ግድም አክተመ፡ አመት ሙስተቅበልን ንውዴ” እንዴ ቤለው ኩሉ ፍክርም እት ዐማር ዋድያም ለዐለው ገባይል ኤረትሮፕ ወኡቶብዮ፡ ለኢትዮጵያ ወእት ልዐም ለይዐለት ሳደፈቶም፡፡ 13 ማዖ 1998፡ ቤት-ጎማት ውዘረኢ ወበርለማን ኦቶብዮ እት ኤረትሮፕ እብ ረሰሚ ሐርብ አወጀው፡፡ ናይ ክልኢቱ ገባይል ሰላም እንዴ ተሐምረገት፡ ከክልኢቱ ገባይል ዐውል ቃሊ ደፍዐ፡፡ መንጠቀትናው እብ ሐዲስ ጊማይ ሐርብ ትገልበዩ፡፡ ሽባን ብዝሓም ህዩ ሽባንም በደል እት ዐማር ለአውዑሉ፡ ጀላብ እለ ወጠን አሰተሸህደው፡፡ ሽባን ኦቶብዮ ህዩ፡ ምስሊ ሐሁ ወገልገላዩ እት ወክድ መጽገሙ ምስሉ ለበጥረ ሽባን ኤረትሮፕ እት ሐርብ ሐዲስ ትሸመው - ውላዱ ሐግሊ፡፡ ለዲብ ቀር-አፍሪቀ ሻብብ ለዐለ ሰእዮብ ዐቦት ወመትቀዳም እቅትሳድመ ግረ አቅበሊ፡፡ ለልጃርር እበ ዐለ ገበይመ ትደበኡት ወምን በርሀት እት ጽልመት ተዐዳት፡፡

ዝያድ ርዕዕ ዘበን ለወደ ሐርብ ሕርየት፡ አላፍ ሹሀደኢ እንዴ ደፍዐ ሕርየቱ ወሰያደቱ ለአመርደ ገበል ኤረትሮፕ፡ ሐርብ ወክበሩ እበን እንዴ ለክፈ እቶም፡ ሽባን ኤረትሮፕ ወኡቶብዮ ምን ጽልመት እት በርሀት እግል ለአወልውሉ ሕሳል በርሀት እንዴ ጽብጠው ሰእዮት ምስተቅበሉም እግል ሊደው እንበታም ዐለው፡፡

“እት መቅጠንኩም ጸልዐት ክም ብእትኩም አምር፡ ሰበቡ አነ ወመልህያምዬመ ክምሰሌኩም



ለሽንርብ ሰበት ህሌት ዲብኒ፡ ለሐልፈ አክይ መዋዲት ትረሰዕም ይእብለኩም - ለልትረሰዕ ሰበት ኢኮን ወእግል ንድረሰ ምኑመ ሰበት እንቀድር፡፡ ምናተ ጸልዐትን ኢንገክኢ ወጸልዐትኩም ኢትንክኢ፡፡ ኩሉ ታምም ሀሊ፡ መኣኪት ኩሉ ትቀበረ፡፡ = መለሰ ዜናዊ

እተ ሰልፋያት ሐምስ ሰነት ሕርየት፡ እት ፍንጌ ክልኢት ለገባይል

ክልቅት ለዐለት ሰላም ወመስኩብት፡ እት ብዝሓም ደማር ሰኒ ክም ቀልቀዩ ታሪክ ለልሸህደ አማን ተ፡፡ ፍንጌ ክልኢቱ ገባይል እት ርሒብ መጽላት እቅትሳድ መትሰዳዳይ ክሉቅ ዐለ፡፡ ናይ ሕበር ልጃን ውዘረኢ እንዴ ተአሰሰዮ፡ ሽባን ክልኢ ለደውሉት ምን ወአሰክ እብ ጅንሰዮት ሌጠ ለልትሐረት እቱ ወቅትመ ትበጸሐ፡፡

ለሞዳይ ክእነ እት ሀሊ፡ ሽባን ኤረትሮፕ እግል ሓምስ ሐሉ እድወር ለዐለ እስትቅላሉ ለዘቱ እት ለአዳውር እቱ ለዐለ ወክድ፡ ሐሽም ወያኔ ለእሳት እግል ለአትቃፊሕ ቀሽብ እግል ልእፊ አሰተብደ፡፡ ለአይደት ቀደም ልትቃረሕ ወለእሳት ቀደም ተዐቦርግ፡ እግል ሓለት ምን ቅሩብ ታብዕ ለዐለት ሕኩመት ኤረትሮፕ፡ ሙስተቅበል ክልኢት ለገባይል እግል ኢልጸልምት፡ ለጋሪት እብ ሰብር ወነሐር ፋዩሕ እግል ትትጸበጥ ወሐል እግል ልትባሰር እግል ክም ሐፊት ወክም ሙብደእ ህዩ፡ ለሐቱ ሰለል ህተ ሰበት ተ፡ እምበል ሕላሌ ክድመት፡፡

“እስኢሎት ሽባን ናዩ መሻክል ሰበት ክልቅ፡ እለ ዋድያመ ለህሌነ መፋህመት ለተዋልል እግል ተሀውት ሐቆ ቀድረት፡ ለሸፊሕ እግል ልጽንሕ እንዴ እንቤ ፋህማም ዐልነ፡፡ እንሰር ክምሰል መጽእት፡ ለደዋዩሕ ምን ዴሽ እግል ነኣንግዩ፡ ለልኢትብእስ ሐቆ ገብኦ ህዩ፡ እብ ገበይ ሰብ-ምግብ እግል ልትረኡ ወሳልሳይት ጀህት እግል ነኣቱ ደማንት እግል ተሀሌ እግል፡፡ ለእብ ወለት-ገበይ መሻክል ብዕድ ለክልቅ ጋራት እግል ንሸንኩ እብ መስኡልየት እግል ንክደም፡፡

እለን ሐቆለ ትረኣየ ግሪሁ፡ እብ ተለፎን እግል ንትሀጋጌ ፋህማም ዐልነ፡፡ = ርኢሰ ኢሲያስ አፍወርቂ

ለእሳት እንዴ ኢትልዴ እብ ርኢሰ ኢሲያስ አፍወርቂ ልትለክክ ለዐለ ጀዋባት፡ እሻረት ንዩት ሰኔት ቱ፡፡ ምን ክልኢ ለደውለት ልጅነት-ሕበር እግል ትትአሰስ ወሐል እግል ትባሰር ለትብል ፍክረት ክም ኤታን ቃርበት ዐለት፡፡ ምናተ ለትመጽእ ደማር ለኢፈሀመው ወያኔ፡ እብ አድማይ አብርሃኦ እግል ልተልሀው ወሽመቶም እግል ልረሽዶ ሐረው፡፡

መልሀይ መለሰ፡ ከአፎ አሰመንክ? እት ሕዱድ እበ ህሌት ሓለት ለብዬተ ሐብሬ፡ እት ዐድ-ምናግ እተ ትነሰኡት ከዋውት እት አንፋርን እተ ዐለው ዲቡ ድዋራት፡፡ ጅማዐትን እንዴ ትዳንኩው ለዐለት እዳረት እንዴ በደለው ለትነሰኡት ከዋውት ተ፡፡ እት ድዋራት ባድሚመ እለ ለትመስል ከዋውት

ንሰኢት ህሌት፡፡ ክምሰለ እለ ሸርሐኮ እግልኩ፡ እለ ለመሰል ከዋዋት ንሰኢት ኢለኢትሐዜ፡፡ እት ወክዱ እግል ልትሳፊ ወእግል ዲመ እግል ለአክትም እት ለሸፍገ ወክድ እብ ገበይ ዕግልት ምን ልትጸበጥ ለሐይስ ለልብል ረኣይ ብዩ፡፡ እብ ጀህትኩ ሚ ተሐሰብ ህሌክ ወዴሕ እግልዬ፡፡



እት ሰላመት! መልሀይክ ኢሲያስ አፍወርቂ 25 ኦገስት 1997

በርለማን ኦቶብዮ ለአፍገረዩ ቀራር ደማር ወሰሪት፡ ሽንርቡ ቀላል ክምሰል ኢትገብእ ለፈሀመት ሕኩመት ኤረትሮፕ፡ እትለ ዲብ ዮም 14 ማዖ 1998 ለወደዩ ሻፍግ እጅትመዕ መጅልስ ውዘረኢ፡ እግል እብ ለትዐለነ ዕላን ሐርብ እብ ክምሰሉ ኢበልስ እቱ፡፡ እግል ፍገሪት ሐርብ ወለትሰብበ ደማር ተጃርብ ካፊ ለዐም ሚርሐት እለ ደውለት፡ አሰክ ሐርብ ኢትሻፈገው፡፡ እት ቅብላቱ፡ እብለን ለተልየ ንቃጥ ሙብደእ ሽባን ወሕኩመት ኤረትሮፕ ሸርሐው፡፡

1. ቅድየት ሕዱድ እብ ቃትን እንድኢኮን፡ እብ ሐርብ ወደግሽ ኢትትባለሕ፡፡ ሒለት ወአትፋርሆት እብ ሐርብ እንዴ በጥረ፡ እግል ባልሐቱ ሳልሳይት ጀህት ለትሻርክ እቱ ንቃሽ እግል ልግበእ

2. ለኢለኢትሐዜ ደግሽ እግል ኢልምጸኢ፡ ሕዱድ ክልኢተን ለድወል ምን ሀለዮት ዴሽ ሕር እንዴ ገብኦ፡ ገዘ ለኢትወዴ ሕር መተቅብላይት ጀህት እግል ትእቱ እቱ፡፡

3. እብ አሳስ እትፋቀየት እስትዕማር ወፈርዕ ከራይጥ (ካርቶግራፊ) ናይ መጅልስ ቅራን፡ ሕዱድ እግል ልትአሸር

“መትብእሳይክ ላብብ ልግበእ” ክምሰለ ልትበህል፡ ንዛም ወያኔ ለሰብብ እግል ለአርሕብ ለነዘመዮም ጀሃት ምን ሕዱድ ወኬን ሽንሀት ብዕደት ምን ዐለት እሎም ቱ

ድኢኮን፡ ክምሰለ እት መአንበትለ ሐርብ ለትበህል፡ እግል እብ ሕኩመት ኤረትሮፕ ለቀርበ ይማም ሰላም ወኢክረዩ ወላመ ሐርብ እት ርሸመቱ ወይዐርገ ዐለ፡፡

ምን ሰነት 1998-2000 ለገብኦ ሐርብ ግረ እንዴ አቅበልክ ምን ተሐሰብ፡ መሰምሱ ክላፍ ሕዱድ ክምሰል ይዐለ ልትአክድ እግልኩ፡፡

ርኢሰ ውዘረኢ መለሰ ዜናዊ ሕርየት ኤረትሮፕ ምን ቀዳሙ ክበት ይዐለ፡፡ ሕርየት ኤረትሮፕ ለቀብለ እብ አሰባብ፡ እት መስኡልየት እግል ለአተላሌ ሐቆመ ገብኦ፡ ዶር ሽቦብየት ሰበት ደምን ሌጣ ቱ፡፡ ኤረትሮፕ ምን ሐዲስ እት አቶብዮ እግል ለሓብረ ናይ ግሩሽ ወሕዱድ መስምስ ክልቀ፡ መለስ እተ መደት ለሀ እት ለትፈናተ መናሰባት፡ “ዲብ ወክድ ቅሩብ ክም በዲርነ ሐቱ እግል ንግበእ ቱ፡ ኤረትሮፕ እግል ነሓብራቱ!” ገሌ ምን እብ ትሉሉይ ለአትሃጅከኒ ቱ ለዐለ ቃላት ቱ፡፡ እግል ሚ ክእኒ ልብለኒ ክም ዐለ ክል-ዶል ለአትፈክረኒ፡፡

እብ ሰዐይ-ሰዐይ እት ለሐ'ኖ ዲብ ሐርብ ለአተው ሰብ ሰልጠት አቶብዮ፡ ዮም ሐቆ 20 ሰነት እት ቀደም ቃዲ እንዴ በጥረው፡ “ለትሸፍን እቱ ዐልኩም ሐርብ ሚ ከሰብኩም ምኑ፡ ለቅድየት እት ጣውለት ንቃሽ ምድት ምን ተዐሊ፡ ዮም ለሓለት እት ሚ ወትበደለት ገብኦ? ለበርህ ምን ሕድ ለከሩ ወዲብ እኪት ወሰኔት ምስል እምሕቡራም ለዐለው ገባይል ኤረትሮፕ ወትግራይ፡፡




ግውርነቶም እንዴ ፈንጠርኩም ምን ሕድ ክም ልትራዩም ውድየትኩም፡ ምራድኩም ተመ እግልኩም ገብኦ፡፡” ለልብል ሰኣላት በሊሱ ሚ ወገብኦ ገብኦ፡፡

ወራር ደርብ ወራር ምንመ ትካተረ፡ እግል እት ካልእ እስትዕማር እግል ለአተው ኩሉ ለእግሉ መልኮ ቅብላትለ ሽንርብ መስተዕምረት ምን መቅጠኩ ለኢትሐረከት አላፍ ምን ደሀብ ለቀ'ሉ ውላዱ ለደፍዐ ሴድያይ ለይዐለ እግሉ ሽባን ኤረትሮፕ፡ ኩሉ ጀረበው፡፡ መተ'በዕ ለባበት ወእብ ቃትን መትቀደድ ምስጢር ፈራሰት ቱ፡፡ እግል ከዐይ-ደም ካልእ ዶል ህንዲዶ ለቤለው ሚርሐት አቶብዮ፡ ገበል ኤረትሮፕ እት ሓራቶም ለኢልትረሰዕም ደርሰ አድረሰዮም፡፡ ምን ተአረይም ወምን ተአቀርብ፡ እት መሕበር ወእብ ገበይ ቃትን ለኢልትባለሕ በአሰ ይሀሊ፡፡ እንዴ ትዳኔክ እብ ቃትን መትቀደድ፡ ካልእ ዕስ ወዕላመት ጅንሰዮት ጥውር ቱ፡፡ ሐቆ ቀራር መሕከመት ለሓለፍናህን 16 ሰነት ክም ክፋል ናይል ወራር እንዴ ተሐሰበዮ፡ ቅባል እለ ገበል እለ ወእለ ደውለት እለ ለገብኦ ዋይዲባት ክምሰል ቱ ብዝሓም ላባም ልብ ለከሩ እቱ ጋር ቱ፡፡

ሐል አማን ቅድየት ኤረትሮፕ ወኡቶብዮ እግል ልምጸኢ ሐቆመ ገብኦ፡ ሕዱድ እስትዕማር እንዴ ሐሽምን ወእንዴ ኢነኣክሰ እብ እግል ንትቀየድ ክም ወጅበነ እመር ቱ፡፡

ረኣይ ራቱዕ ለአለበ ሲያሰት መብጠር አለበ፡፡ ቃትን እብ ፍርድ ተመ፡፡ ለታርፍ ሀለ ህዩ ቀራር እድንያይት መሕከመት እት ፍዕል አውዐሎት ሌጣ ቱ፡፡ ለወራር እት 20 ሐሎ ነህድግ እብ ለህሌነ ሰብቱ እግል እት ቀደም እዲነ እብ ዐስር ጭብዕትክ ለፈረምክ እቱ እትፋቅ ወረደ እብ ሕክም መሕከመት ቱ፡፡ አድመናት ፍቱሕ ወቃትን ህዩ፡ መስኡልየት ቱ፡፡ እለ ክም ተአክዳ ቱ ሕውትነት ወግውርነት ገባይል እት አካንን ለልአቀብለ፡፡ ቃትን ክም ትመርዳ ቱ ለትከሰረ ወክድ እብ አብካት እግል ልትፈዴ ለቀድር፡፡ ቃትን ሐቆ ሐሽምክ ጥውር ውሓጥር በዐል ሙብደእ ክምሰል እንተ አኪድ ቱ፡፡



ጅግረ ዐጃላት ካስ ሕርየት አቅሊም ምግብ 2018

እግል ሳምንታት ለተላለ ጅግረ ዐጃላት ካስ ሕርየት ሰነት 2018 ናይ አቅሊም ምግብ ለሐልፊት ሰነት 09ይ ተምመ። እተ ናይ ካቲመ ጅግረ ቢንያም ግርማይ ምን ፈሪቅ ሰምበል መትጃግረቱ እንዴ ፈለ ወለት ሳተ (ከጥ ዐውቲ) ሰበት ኬደ እግል ቀደሙ ለዐለ ዘመንፈስ ሰለሙ እብ ካልኢታት እንዴ በድረ ልትዐወት እት ህለ፡ 3ይ ህዩ ናትናኡል ተስፋጽዮን ምን ፈሪቅ ኤሪቴል ዐለ።

እለ እተ አምዕል ለህ ለጉበአ ጅግረ እቱ ለትረከበት ፍገሪት እት ጉበእ፡ እብ ዕሙማይ ንቃጥ ዶል እንርኤመ፡ ቢንያም ካስ ሕርየት ጅግረ ዐጃላት አቅሊም ምግብ ሰነት 2018 ረፍዕ እት ህለ፡ መዳልየት ደህብ ወ5000 ነቅፈ ትህየበ። 2ይ ለፈግረ ናትናኡል ህዩ መዳልየት ፍደት ወ3000 ነቅፈ ረክብ እት ህለ፡ 3ይ ለፈግረ ዘመንፈስ ሰለሙንመ መዳልየት ነሐስ ወ2000 ነቅፈ ነሰእ።

ምን መጃግረት 2ይ ዲቪዥን ናሆም መኮነን እብ ብሕቶት፡ ጉበራሂወት ዮውሃንስ ምን ፈሪቅ ሰምበል፡ንያት ርእሶም እብ

እንዴ ጸብጠው እግል ዱሉይ ዐለ ጅግረ እብ ዐውቲ አትመመዉ። እብ ወክድመ ለጉበአ ጅግረ አንሳት ዴ ኮርሶ፡ እቱ መትባድረይት

ወ3ይት እንዴ ገአየ ተለያህ። እብ ኪሉል ንቃጥ ህዩ ደሴት ብስራይ ወዘፍብ ምን 1ይት አስክ 3ይት ለህለ ደረጃት ጸብጠየ።



ብሕቶት፡ አወላደም ናይ እሊ ጅግረ እሊ ቶም። እት ጅግረ ሳልሳይ ዲቪዥን ሳምሶም ሃብቴኤፍሬም ጉበራሂወት፡ ዳንኤል ዶሕደን ወዋርሳይ ሕድ ለሽብህ ደረጃት

ዐጃላት ምን ፈሪቅ አራግ ሳተ ደሴት ኪዳኔ ካስ ሕርየት እት ነሰእ፡ ብስራል ጉበራመስቀል ምን ደንደን ወትዕግስቲ ጉበራሂወት ህዩ ምን ፈሪቅ ጋላንፍሒ 2ይት

እት ናይ ገዳይም መጃግረት ለጉበአ ጅግረ እቱ ህዩ ቶማስ ቴድሮስ፡ተክሊት ኢሳቅ ወዐብደላጠፍ ሰዲቅ 1ይ፡2ይ ወ3ይ ፈግረው።

ጅግረ ኩረት እግር ካስ ሕርየት፡ ምንተሐት 20 ሰነት አቅሊም ዐድነ

ለእብ ፈደሬሽን ኩረት እግር ኤሪትርየ ለትዝመ ጅግረ ኩረት እግር ምተሐት 20 ሰነት ላቶም መትጃግረ ካስ ሕርየት ሰነት 2018 ለሐልፊት ከሚስ ዮም 10 ማዮ ሰነት 2018 ግረ አድህር እት ፍንጌ አቅሊም ዐንሰበ ወአቅሊም ግብለት በሐር ቀየሕ እበ ዎሮት እንክር ወእበ ብዕድ እንክር ህዩ ፍንጌ አቅሊም ምግብ ወፈሪቅ መዐስከር ሳወ ለጉበአ ጅግራታት እት ሚዳን ጅቸሮ አስመረ እንቡት ዐለ።

ቲበሉ ትቀድር። ሰበቡ፡ ለከረ ፍረቅ ከረን ወአስመረ ራክሞሙ ለህለው አብካት ሚዳን እብ ሰዐር ሰናዒ፡ ምንጉበእ ወሓለት ጀው እግል ኖሱ ተአሲር ሰበት ብእቲ።

ትልህዩ ምን በርጃን እግል ትርአየ ለትአትናይት እት እንተ ለቀርበው ፍረቅ አቅሊም ምግብ ወመዐስከር ሳወ ዐለ። እት አክር ሳኪን አቅሊም ምግብ ለህለ እግሉ አብካት ክሉ እንዴ ትነፈዕ 5 እብ 0 ቀልበዩ።

ግረ መክሰቲለ ጅግረ ለዐለት አምዕል እት ፍንጌ ፍረቅ አቅሊም ግብለት ወመአሰሳት ተዐሊም ውቁል ለጉበአ ጅግራ ቲ። መአሰሳት ተዐሊም ውቁል እግል

ቀልበዩ 3 ንቅጠት ከሰበ ምኑ።

እተ ተለ አምዳላት ህዩ ፈሪቅ አቅሊም ምግብ እግል ፈሪቅ አቅሊም ግብለት በሐር ቀየሕ 3ብዐ ልትዐወት እቱ እት ህለ፡ ፈሪቅ ዐንሰበ እግል ፈሪቅ መዐስከር ሳወ ህዩ 2 እብ 1 ሳርሐዩ።

ለሐልፊት ሰነት ንኢሽ ዮም 12 ማዮ ለጉበአ ጅግራታት እቱ ፈሪቅ አቅሊም ዐንሰበ እብ ፈሪቅ አቅሊም ምግብ 3 እብ 0 እንዴ ትቀለበ ፈግረ፡ ዐውቲ እት ክልኤ ትልህዩ ለኢረክ ፈሪቅ መዐስከር ሳወ እግል ፈሪቅ አቅሊም ግብለት በሐር ቀየሕ 7 እብ 0 እንዴ ቀልበዩ ሰለስ ንቅጠት እግልን አምዐምክ ቤለ። እተ አምዕል ለህ ነፈርለ ፈሪቅ



እብ አሳስ እሊ ህዩ ምን መጅመዐት ክልኤ ለሐልፊ ፍረቅ እብ ፈርግ አግዋላት ቲ እት ኢኮን ሰልሲቲ ለፍረቅ በሀለት አቃሊም ጋሽ በርከ ቅብለት በሐር ቀየሕ ወመአሰሳት ተዐሊም ውቁል፡ ክል



እተ ናይ ሰልፍ ትልህዩ ፈሪቅ ዐንሰበ እግል ፈሪቅ ግብለት በሐር ቀየሕ 4 እብ 2 እግል ልቅለብ ምንመ ቀድረ፡ መተልህየትለ ፈሪቅ ምን እሙራም መተልህየት ለትአፈሬ መዲነት ከረን ለመጸው መሰሎ ይዐለው። እግልሚ እግል ዕን ዴፍያየ እንዴ አርወ ልቡ ለተምትም ትልህዩ ሰበት ይአርአው። እብሊ ህዩ፡ እት ካስ እግል ልብጸሕ ለህሌት እግሉ መቅደር አክል እሳተ እግል ቲበላመ ክም ቀብበ ለወዴት ትልህዩ እርኡይ ዐለ።

ፈሪቅ አቅሊም ቅብለት በሐር ቀየሕ ምስለ እቱ ነብር ድዋሩ፡ ሓለት ጀዉ ወብዕድ ምስል ምሽክለት ናይ ሚዳኑ ለአርእየ ለዐለ ትልህዩ ወንዮት አግዋል ሰኒ ልጃር ለህለ ፈሪቅ ቲ እግል

አቅሊም ግብለት 3 እብ 1 ቀልቡ እት ህለ፡ ፈሪቅ አቅሊም ቅብለት በሐር ቀየሕ እግል ፈሪቅ አቅሊም ጋሽ በርከ ህዩ 3እብ 2 እንዴ

ሃብቶም ሰእሉ ሃትሪክ ሸቀ።

እት ዮም ሰንበት ዐባይ ለጉበአት ትልህዩ ህዩ ፈሪቅ አቅሊም ግብለት እብ ፈሪቅ አቅሊም ቅብለት በሐር ቀየሕ 3 እብ1 ትቀለበ።

እሊ ጅግረ እሊ ማሌ ዮም 15 ማዮመ ትሉሉይ አምሰ። እብሊ ህዩ ፈሪቅ መአሰሳት ተዐሊም ውቁል ምስል ፈሪቅ አቅሊም ቅብለት በሐር ቀየሕ ጅግረ ዋዴ ዐለ እትለ ጅግረ እሊ ህዩ ፈሪቅ መአሰሳት ተዐሊም ውቁል እብ አግዋላት ብዘሕ እግል ፈሪቅ ቅብለት በሐር ቀየሕ እንዴ አድመዐ ተዐወተ።

ምኖም 6 ንቅጠት ራክብ ህለ።

እብ ብዝሐ አግዋል ሳኪን መአሰሳት ተዐሊም 1ይ እግል ልግበእ ቲ።

እት ፍንጌ ፍረቅ ግብለት ወጋሽ በርከ ለጉበአት ትልህዩ ህዩ እብ ዐውቲ ፈሪቅ አቅሊም ጋሽ በርከ 2 እብ 1 እንዴ ቀልበ 3 ንቅጠት ረክበ።

እት 1ይ መጅመዐት አቅሊም ምግብ አብ 9 ንቅጠት አወለይት ወ ፈሪቅ አቅሊም ዐንሰበ ህዩ እብ 6 ንቅጠት 2ይ እንዴ ገአየ እተ ተሌ ጅግረ ሰር ንሃየት ሓልፋም ህለው።



ተአሂል

መቅደረት

ገሮብ ተምም

ፈደሬሽን ኩረት እግር ኤሪትርየ ምስል ፊፋ እት ልትዓወን ለከመዩ ወሀዩ ተአሂል መቅደረት ገሮብ እተ ሐልፈ አውካድ ተምመ።

እት ካቲመለ ተአሂል እግል ምን ክለ ዐድነ ለመጸው 32 ምሽተርክት ለከምከመ አምሐበርት እቲ፡ ሙዲር ዓም ፈርዕ ቴክኒክ ኩረት እግር ኤሪትርየ አሰይድ ዳንኤል ዮውሃንስ እት አስመዐዩ ክለመት፡ ለተአሂል መቅደረት ወመጃግረት ፍረቅ ወመተልህየት ለወቅል በርንማጅ ክም ዐለ እንዴ ሸርሐ፡ ፍገሪቱ እብ ትሉሉይ ለትጉበእ ክድመት ወጅህድ መአህለት ለልትርኤ ቲ ቤለ።

እግል ተአሂል ለህበ በዐል መቅደረት ገሮብ ኢስትራክተር ዩንስ ኤሪክ አንደርሰን እብ ፊፋ ለመጸ ወድ ዴንማርክ፡ ምሽተርክት ለዐለ እግሎም መትሐሳር ወእንትባህ ለልትሐመድ ክምቲ እንዴ ወደሐ፡ ለተአሂል እብ ዐውቲ እግል ልትመም እግል ፈደሬሽን ኩረት እግር ኤሪትርየ ሐመደ።

እት መኖሰበት ምን ለትፈናተው መስሉሊን ርዶዶት ሽሃዳትለ ተአሂል እግል ሹሩካም ለዐለው 32 ነፈር ተህየበት።

ሽዑብ ወለመዱ

ቶል ቤለው?

ቶል፡ ዓደት ከብቴ ለልትወለዶ አጀኒት እት ኮርየ ተ። ቀደም እሊ ተጠውር እሊ መጽእ፡ ብዝሓም አጀኒት እት ወቅት መድወላዶም መደቶ ሰበት ዐለው እብ ሰበቡ ለአንበተት ዓደት ገብእ እት ህሌት፡ ምስል ዘመን ህዩ ክም ለመድ ወዓዳት ትለመደት። ዓደት እሊ ህዩ፡ እግለ ልትወለዶ አግሩዝ ዕምር ረዩም መተምናይተ። ለዓደት እሊ አሰክ አዜ እት ኮርየ እብ ፋይሕ ትትጋዶስ ህሌት።

ዓደት ቶል፡ ለጅነ ዶል ልትወለድ ለትትጋዶስ ገብእ እት ህሌት፡ አሰሉብ ህዩ ክእነ መሰል። አወል እም ናይለ ሐራቡ ምን ሩዝ ጸዕደ ወዐሰ ለዓሌት፡ “ማዩክጉክ” ለትትበህል ነብረ ወሐሊብ መጦርለ ሐራሰ ከርዩ፡ ቅብላት እሊ እብ ህግያሆም “ሳምሺን ሲሩ” ለልቡሉ ምን አደንገል ቀይሕ ወሩዝ ለትሸቄት ነብረ ትትዳሌ፡ ሐቆ እሊ ለሐራሰ ወእመ እደይ ሕድ እንዴ ጸብጠየ እብ ትሉሉይ ደዐ ወድዮ። እብሊ ህዩ እግለ እቲ ለአምነ

ረቢሃን እግለ ጅነ ዕምር ረዩም እግል ለሀቡ ልደዐዩ።ሐቆለ ደዐ ለዱልይ ለዐለ ነበሪት እብ አንፋርለ እሰረት ሌጠ ልትበለዕ። ለሰቡብ ህዩ ለነብረ ምስል ጋናታት ሐቆ በልዐው፡ ለግርዝ በክቱ ክም ለአኬ ወዕምሩ ክም ለሐጭር ሰበት ለአምኖ ቲ። ምን አሳስ እሊ ህዩ ለገብእ ጋነ ምን ነብረ ኢልጥዕምኒ። እተ ክምስልሁመ ሰብተብዕን እት ዓደት ቶል እግል ልሻርኩ ኢልትአጀዝ እግሉም። ዓደት ቶል ለትትጋዶስ እቲ ወቅት፡ ምን አካን



እት አካን ልትፈናቴ። እግል መሰል እት ዐሲመት ግብለት ኮርየ ላተ ‘ሶል’፡ ለመናሰበት ሐቆ መትወላድ ጅነ ትትጋዶስ እት ህሌት፡ እት ብዕድ አንክራት ኮርየ ህዩ፡ ዶል ለእሲት

መሀጽ ተአነብታተ ትትጋዶስ። ለሀደፍ ላኪን ክሉ ሐቴቲ። እሊ ቶል ለትትበህል ለመድ ምን ኮርየ ወኪንመ እት አሰየ ወአሚርካመ እመር ለመድ ሻማንቲ።

ለኢትፊትሐ መሳእል



እተ ሰልፋዮት ሳምኖታት አወላይ ሐርብ እዲኑ ብርጣንዩ እብ በሐር ወምድር ጌመት ብቅት ተአድሮሬ ዲበ ዐለት። ብዝሓም ውላድ ፈረንሳ ህዩ፡ እት እትጃህ ምናጋር-ጸሓይ ናይለ ደዋይሕ መይቶ ዐለው። ለመ እብ ‘ዩ’ ለልትአመረ መራክብ -ሐርብ ጀርመን ፡ እግል በሕርዩ ዲሸ ልፍን ፡ እፍጀዓቶም ዐለዩ። እብሊ ህዩ እተ አወላይት ሳምን በህለት ሰምተምበር 1914፡ መሰኡል ቅዋት በሐር ብርጣንዩ፡ ለዐለ ሉርድ ፊሸር፡ ምን ሳረ ሞርሰ ለትትበህል ሙመርደት(ነርሰ) ጀዋብ ትለኣክ እቲ፡ ጸበጥለ ጀዋብ ህዩ ክእነ መሰል ዐለ። “ሕሹም ዛብጥ እበ ማሌ ለትሐሰምክዉ ሕልም እግል አሰእለክ ሐዜ ዐልኮ” ልብል ዐለ። ለእብ ብዝሐ ሸቅል ለዐል ወተሐት ልብል ለዐለ ምስኡል ጸበጥለ ጀዋብ ክም ረአ እብ ሰሓቅ ፈረሸክ ገብኣ። እግልሚ ምነ ጸበጥለ ልኡክ ለምስዓረ ኣትፈከረቲ ፡ እግል ሕልመ ተአሰእሉ ምን ሸቅል ዐሰከርየት፡ ዘመን እግል ለሀበ ሕሰቡት ሰኒ አተዐጀብዩ። ላኪን ለመሰኡል ለሀይ ዘመን እንዴ ሀበዩ ለሕልመ ምን ሰምዑ ወእት ፍዕል ምን ለአውዕሉ፡ እት ፍግሪት ወሚዛን ናይለ ሐርብ ብዙሕ ተቅዩር ወትረኣ። ሉርድ ላኪን ዘመን ሰበት ይዐለ እግሉ ኢተሐሰረ እቡ። ለነርሰ ላኪን እንዴ ኢትትሐለል ሐቆ እለመ ተፋሲለ ሕልመ እብ ጀዋብ

ለአክቱ እግሉ። ሳራ እትትላንድ ጋይሰት ምንመ ኢኮን፡ ለዲብ ሕልመ ርኡቱ ኩብሪ ፡ ለእት እስኮትላንድ ልትረከብ ‘ኩብራ-ፎርዝ’ ለልትበህል፡ እብ ሱረት ለራኡቱ ኩብሪ ክምቱ ተአከደት። ሀተ እት ሕልመ፡ እት እስኮትላንድ፡ እት ባካት ኩብሪ ፎርዝ፡ ሰለሰ እት ዔጸቶም ሰለሕ ለራፍዓም ዓሳ ዐበዩ፡ እት ዮም 7 ኣክቶበር፡ እተ ባካት ኩብሪ እትለሐንብሶ ርኡት። ለሕልም እሊ ህዩ ሐቴ ዶል ለኢጉብእ እብ ትሉሉይ አርበዕ ዶል ርኡቱ። እብሊቱ ህዩ ጀዋብ እግል ትክተብ ለትቀሰበት። ሉርድ ፊሸር ፡ ለሕልም፡ ምንመ ኢትሐሰረ እቲ፡ እግል ሕልም እብ ድግም ለሰምዐ፡ አሮት ምን አንፋር በሕርዩ ብርጣንዩ ወመሰኡል ናይለ ኩብሪ ለልትረከብ እቲ አቅሊም ፋዩርስ ኣፕ ላቲ፡ ሚትቸል ጊፕሶን፡ ክምሰለ ብዕዳም እብ ውዳይለ ነርሰ ኢትሰሐቀ። እግልሚ ለሰለሕ ወመሳሪፍ ቅዋት ብርጣንዩ፡ ለአውሀሌ እቡ ለዐለ፡ ኩብሪ አየ ሓጀት ዶል ተሐሰል እቲ፡ ለመክሰብ እት ቅዋት ጀርመን ክም ልትቀዩር ለአምር ሰበት ዐለ። እብሊ ህዩ ለጀዋብለ ነርሰ እት ሐንገል ሚትቸል ሰኣላት ብዙሕ እግል ለአውሕዝ ቀድረ። እግልሚ ቲ እግል አተራድ ናይለ ኩብሪ አየ ምስዓር ለኢትነሰኣት እንዴ ቤለ ህዩ ለኩብሪ ሰዶናት ወአታራድ እግል

ልግበእ እግሉ አማውር ሐለፈ።እብ አሳሰለ ሚትቸል ለሐላፊዩ አማውር ለሰዶናት እትሐጨር ወቅት ቀደም ዮም 7 ኣክቶበር እግል ልግብእ ቲ ለዐለ። ምናተ እብ እትጃህ ቅዋት በሐር ጀርመን ለጉብእ ለለአፍርህ ሀጃማት ኢትረኣ። እብሊ ህዩ ሚትቸል፡ ጅማዐቲ እግል ልዩንድም ወልቅባቡ አንበተው። ህቲመ ሕልምለ ነርሰ እንዴ አምነ ምስዓር ንሰኣቱ አተዐሰዩ። ዮም 7 ኣክቶበር 1914 ለሸቅል ለተመ እተ ምሴት ሰበት ዐለት፡ እግል ደኣል እንዴ ቤለው መድሐራት እግል ሊደው እግሉ ትዋፈቀው። እተ ዐዙመት እት ሀለው ወእግል ሚትቸል እት ለሀራጃ እቲ፡ ሚትቸል ላኪን እብ ዕንታቱ ዴደላን ናይለ ደዋይሕ ዐለ። ሐቆ መደቲት ህዩ ፡ክርን ብቅት እግል ትሰመዕ አንበተት።ሰለሰ ሳብ-ማሪን ጀርመን እግል ኩብሪ ልዝበጠ እት ባኩ እንዴ ቀርበዩ እተ ዓሙዱ ለክፈዩ እግሉ። እበ ለገብእ እግሉ ሰዶነት ትሩድ ሰበት ዐለ ላኪን እግል ልውደቅ ኢቀድረ፡ ሐቆ እሊ ፍርዩርሊስ ለትትበህል መርከብ-ሐርብ ብርጣንዩ እተ ሳብ ማሪን ጀርመን ቀነብል አዝለመት፡ እብሊ ህዩ ለክልኤ ሳብ-ማሪን ሰበት ትዝበጠየ ተርቀ እት ሀለዩ ለሐቴ ህዩ ሀርበት። ሕልም ሳረ ህዩ አማን ክም ዐለ እብ ፍዕል ትረኣ።

ክልቀት ረቢ ዐጁበት ተ!

፡፡ ህዝቂኤል ኣዳምዝ ለልትበህል ወድ አልባንዩ ፡ እምበል እዘን ልትወለድ እት ሀሌ፡ እት አካን እዘኑ ህዩ አዩ እግል ሰመዕ ለሰዴ መጣርቅ አለበ። ምናተ ለሕጻን ቅድረት ትርድት ናይ ስምዐት ዐለት እግሉ። እግል ልሰመዕ ዶል ለሐዜ ህዩ አፋሁ ፈትሕ ክም ዐለ ልትአመር። ረቢ ወዳይ ክምፈተ ቲ፡ ለልትበህል ክእነቲ። ፡፡ እት 17 ክ/ዘመን እት መዲነት ቶሎሰክ ሩሰዩ ትነብር ለዐለት፡ ማግደሊን ለትትበህል ወለት ፡ አጥባዩ በደል እተ እምር አካት ፡ እት ዔጸተ ክም ዐለ ተአምሮ ገብእ? ለሰቡብ ናይ እሊ ኢንቡር አጥባዩ ሚ ክምቱ ምንመ ኢደለ፡ ማግደሊን ላተ ሰለሰ ጅነ ወልደት ወ እት ተአጠብዮም ዓቤቶም። ፡፡ ገሌ እሰር እት እስኮትላንድ፡ ጅነ እት ኩብድ እሙ እት እንቲ ሰም ተብዐት ለሀዩቡ ክም ዐለው ልትአመር፡ ሰድፈት ላኪን ለልትወለድ ወለት ሐቆ ገብኣት ፡ እት አወል ለአፍገረወ ሰም “ይ” ወሰኮ ዐለው። እግል መሰል፡ ለሰም ‘ጆርጅ’ ሐቆ ዐለት፡ ጆርጂን ወድወ ዐለው በህለትቲ።

ቅርአ ወትዐጀቦ

እት ህንድ ፡ እት አቅሊም ክም ሸቅል- ቤት ወጀርቤ ህዩ፡ እት ራንሻል ለትትረከብ መድረሰት፡ እግል ምን እሰር ሓግል ለመጽኦ አጀኒት ገበይ ርምቅ ተአደርሶም። እሉም 200 ለጉብእ ደረሰ ዮምዩን እግል ሰሰ ሸሀር ፡ ራተዐት ገበይ ርምቅ ተአደርሶም። ገሌ ምነ ደሩሱ ሕሰስ ህዩ ፡ ሕርየት አካን ርምቅ፡ ሕርየት ለትረምቆም አንፋር ፡ራትዕ ወቅት ርምቅ፡ መትመሳካን፡ ሐምዴ ወመድሕ፡ ሓግል ክምእንተ ለለአተምን ልባሰ ልብሰት ውብዕድ አሰሉብቲ። እተ ክምስልሁመ ለረመቅካሁ ማል እብ ከፎ ተአመቃርሑ ለአደሩሶም። ክም ሸቅል- ቤት ወጀርቤ ህዩ፡ ምሴ-ምሴ ፡እት ሸዋርዕ እንዴ ፈግረው ለረምቀው ግሩሽ እግል ዐዶም ለሀዩቡ። እትለ ለጉብእ ከደማት እጅትማዲ ለትሐረ ምነ ጎልጎልዩ ለትትበህል ቂሾት፡ ርምቅ እግል 4 ጂል ለጉብእ እትሉሉይ ሀሊ። ኔብረተ ቂሾት ህዩ ምን ሕኩመቶም ለጉብኣት ሰዳይት ሰበት ኢረክበው ፡ ዒን መንበረቶም ርምቅ ክምተ ለአምና።እተ ክምስልሁመ እት ዐሲመት ህንድ ላተ ኒውደልሂ ምን ለዐል ምእት-አልፍ ፊምቀት ሀለው።

ፍንቲት ሰወር ርክብ

